



قطاع الثقافة

الأعمال الكاملة للدكتور مصطفى محمود

الإنسان والظل

المكتبة العربية
www.tipsclub.net
amly

دكتور مصطفى محمود

دار
أخبار اليوم

قطاع الثقافة
والكتب والمكتبات

رئيس مجلس الإدارة :

محمد عهاى فضلى

الدكتور مصطفى محمود

الإنسان والظل

مسرحية من فصلين

دار أخبار اليوم
قطاع الثقافة
جمهورية مصر العربية
٦ شارع الصحافة القاهرة
فاكس : ٢٥٧٩٥٨٩٦

شخصيات المسرحية

رحمى سعودى : قاض ٥٠ سنة.

كوثر : زوجته ٢٥ سنة .

توفيق : مُحام ابن عم كوثر .

أم رحمى : والدة القاضى .

فضل الشرقاوى : مُتهم حُكم عليه بالإعدام .

حاجب المحكمة

بوسطجى

متهمون آخرون حُكم عليهم بالإعدام فى أحكام سابقة وشُنقوا .

تصميم الغلاف :

د. عبد الكريم محمود

برولوج الوقت نهارا المنظر

«نصبة القاصي فيها المستشار رجمي سعودي إلى جانبه عضوان
عضو يمين ، وعضو يسار ، بينما تفتح الستار يلقي النور الكاشف على
وجه المستشار رجمي ونراه يقوم ليلقى بالحكم .

رجمي : باسم الأمة : حكمت المحكمة على المتهم فضل
الشرقاوي حضورياً بالإعدام .

[ضجيج يشمل القاعة عند سماع كلمة «حضورياً»
ويغرق صوت القاضي]

صوت امرأة : برى، ياسعادة البيه .. برى، برى .

صوت الشرقاوي : لا .. أنا قتله .. قتله .. بأيدي دول ... ولو شفته

قدامى حاقفته تانى [يصرخ] فين هوه وأنا أقتله

تانى .. فين هوه وأنا أقتله تانى ...

[ضلام تدريجي على المسرح واختفاء تدريجي

للصوت حتى يختفي المنظر تماما]

الفصل الأول

الوقت : مساء

[تزاح الستار للمنظر الثانى فى بيت القاضى
رحمى .. غرفة مكتب ستيل واسعة أنيقة ..
مكتب كبير منقوش بالأريمة طراز قديم وكتب
على رفوف بالجدران .. ساعة حائط وستارة
على النافذة عدد من الكراسى الجلدية .. صورة
لرحمى فى روب القضاء والوشاح الأخضر ذى
الهلال والنجوم .. باب الغرفة مفتوح ونرى من
خلاله بوضوح أم رحمى تصلى على سجادة فى
الغرفة الأخرى .. زهریات ورد كبيرة فى كل مكان .
كوثر تقطع الغرفة ذهاباً وإياباً فى عصبية ..
ثم تتوقف لتلتفت حولها .. تضع يدها على
أذنيها .. ثم تعود لتذرع الغرفة فى عصبية ..
يبدو أنها فى أزمة .
نرى الأم تطوى السجادة ونسمع كلمة]

الأم

: يارب .

[الأم تدخل من الباب .. كوثر تلقي بنفسها بين

ذراعيها]

كوثر

: [هاتفة] : أنا مش قادرة استحمل أكثر من كده..

مش قادرة .

الأم

: يابنتي الصبر طيب .

كوثر

: أنا مش عارفة جرى له إيه .. مش ده رحمي ..

رحمي اللي متجوزاه من ٣٠ سنة .. رحمي اتغير .

الأم

: يابنتي دي وسوسة شيطان.

كوثر

: تصوري إنه كان حايقتلني .. رحمي .. العاقل

الهادي اللي عمره ما رفع صوته عليه .

الأم

: يمكن كان تعبان من الشغل .. وأنت عارفه أنه

بيسهر للفجر يقرأ القضايا سطر سطر .. وحرف

حرف .

كوثر

: طول عمره بيشتغل ويسهر .. عمره ما اشتكى ولا

فقد أعصابه .. إيه اللي غير حاله ؟ حانقول ببشر

.. عمره ما حط الخمرة في بقه .. حتى السجائر

مابيدقهاش .

الأم

: ولاد الحرام كثير يا بنتي

كوثر

: وحايجولو منين ؟ وحايشفوه فين ؟ ده مالوش

طريق غير شغله .. من البيت للمحكمة ومن المحكمة

للبيت.

الأم

: يمكن فيه حاجة تعياه .. يمكن فيه في قلبه حاجة .

كوثر

: ياريت يفتح لي قلبه .. ياريت يشتكى لي .. كام

مرة اتمنت أنه يقعد جنبى يكلمنى من غير تكليف

يحكى لي متاعبه يكاشفنى بعواطفه .. لكن أبداً ..

العمر اللي عشناه كان كله تكليف .. ورسميات ..

كان دائماً القاضى الوقور المتحفظ .. حتى في بيته

أنا عمرى ما عرفته .. أنا مراته عمرى ما عرفته .

الأم

: أنا أمه وعارفاه .. رحمي طيب وغبان .

كوثر

: عمرى ما حسيت أنه طيب .. اسألى أى حاجب في

المحكمة يقولك إنه بيحكم من غير رحمة .. مافيش

متهم وقع بين أيديه مآخذش إعدام أو أشغال

شاقة .. دائماً بيحكم بأقصى العقوبة .. أقصى

العقوبة .. وفي البيت معايا ومعاكى ومع الخدامين

ما عندوش قلب .. كل شىء عنده بالعقل والمنطق ..

حياته مواد .. ولوايح .. وقوانين [تصرخ] لكن

أحنا بشر بشر بشر !

الأم

: يابنتي أنت جرى لك إيه ؟

كوثر

: [تنهار باكياً] : أنا مش عارفة أنا جرى لي إيه..

أنا باخاف منه .. باخاف أبص فى عينيه بيتهيالى
أنه حايقتلنى .. تصورى إنه بيشك فيه أنا مراته
من ٢٠ سنة .. بيشك فيه .

[نرى توفيق داخلا .. شباب أنيق وسيم -
محامى ابن عم كوثر وصديق الزوج]

: تعالى يابنى شوف بنت عمك جبرى لها إيه .. أنا
مش فاهمة إيه حكايتها .

[الأم تخرج .. توفيق مقبلا على كوثر المنهارة
على الكرسي]

: إيه يا كوثر مالك ؟

: [مازالت تبكى] : مش عارفة يا توفيق .. حاسة
إنى مش عايشة .. أعصابى بتهار يوم بعد يوم أنا
باتخنى فى البيت ده .. بتخنى .

: توفيق إيه الكلام ده ؟! انت اتجننتى ؟! دلوقتى عرفت ليه
بتشتكى من معاملة رضى الى اتغيرت .. دلوقت
عرفت مين الى اتغير .

: مين الى اتغير ؟

: انت الى اتغيرتى يا كوثر .. انت الى جنينتى
جوزك وخليتيه يخرج عن صوابه .

: ياريتنى أقدر أخليه يخرج عن صوابه .. دنا عمرى

ما قدرت أثّر فيه . عمرى ما قدرت أحرك قلبه ..
كان دايماً العاقل الكامل الجامد الشعور الى
مافيش حاجة تهزه .. كام مرة اتنيت أنه يغلط
عشان أسامحه .. يضعف عشان أقف جانبه ..
أحس مرة أنه بنى آدم وأنه له قلب وعواطف .

: صحيح هى دى طبيعة رضى طول عمره .. وهو
طالب فى الحقوق .. وهو فى النيابة .. وهو فى
القضاء : كان دايماً الإنسان العاقل الساكت الى ما
يتكلمش إلا بحساب .. كان لما يسمعنا نحكى على
مغامراتنا العاطفية يضحك ويقول عواطف إيه الى
بتتكلموا عنها .. وخليتوا إيه للشعراء .. رجال
القانون لازم يبقوا أهل منطق وعقل مش أهل
عواطف ، لكن فى النهاية رضى اتجوزك .. فى
النهاية حب زى كل الناس .

: [فى ألم] : حب : [تنظر إلى توفيق فى حيرة]
تفكر رضى بيحبنى .. رضى لما اتجوزنى كنت
بالنسبة له زيك تمام .. مجرد زميل .

: لا يا كوثر .
: رضى اتجوزنى لأن الجواز عادة حميدة بيأمر بها
العقل والمنطق .. اتجوزنى لأن كل رجل محترم فى
مجتمعتنا بيتجوز .

توفيق

كوثر

توفيق

كوثر

توفيق

: ده كلام روايات .. أنا مش عارف أنت عاوزه إيه ..
مرة بتشتكى من جوزك لأنه عصبى .. ومرة
بتشتكى منه لأنه بارد مافيش حاجة بتحركه .. أنا
مش فاهم .

كوثر

: [تمسح دموعها فى كبرياء] : أنت مش فاهم
أى حاجة .. أنت زى كل الرجالة بتنظر للست على
أنها حته موبيليا .. وتنكر عليها حقها أنها تتكلم ..
تتألم .. تشتكى .. [موسيقى] لو كنت عشت سنة
« وحيد » زى كنت عرفت إيه معنى أنك تبقى عايز
تتكلم .. ونفسك تلاقى حد تكلمه .. ومش لاقى حد
تكلمه .

توفيق

: [مقبلا عليها فى إشفاق ممسكاً بيدها فى رفق] :
كوثر .. أنا ماقصدتش أجرحك .

كوثر

: [تبتسم من خلال دموعها] : واحنا صغيرين لما
كنا بتلعب فى الجنية كل الأحبة اتنين اتنين ..
كنت ساعات متلاقيش حد يلعب معاك .. وكنت
تعد تعيط تحت تكعبة العنب .. فإكر ؟

توفيق

: [مبتسماً] : أيوه فإكر .
كوثر : [سرحانة من خلال دموعها] : وفإكر شعورك
وأنت قاعد لوحك .. وكل ولد معاه بنت تلعب معاه .

توفيق

: كنت باحس إنى زى اليتيم .
كوثر : أنا عشت شبابى يتيمة .. زيك وأنت قاعد تعيط
تحت التكبعية .. كنت باقضى الليل سهرانة لوحدى
فى أودتى وهو سهران مع الدوسيهات والقضايا ..
عمره ما فكر أنه يبص لى حتى على أنى قضية
مركونة منسية .. أى مجرم قتال قتلى كان بيثير
اهتمامه أكثر منى .. كان بيعيش بيفكر فيه ليالى ..
كنت بسال نفسى دايماً : إيه سر الجفاف الشديد
فى طبعه ؟ إيه السر ؟! أنت صاحبه ياتوفيق .. أنت
لازم تعرف عنه أكثر منى .

توفيق

: أنا فى الحقيقة عمرى ما قدرت أفهمه .
كوثر : أنت اللى بتقول الكلام ده .. أنت اللى عاشرته أكثر
من « أخوه » وفتحت له قلبك وفتح لك قلبه .

توفيق

: رجمى عمره ما فتح قلبه لحد .
كوثر : وده يبقى إنسان طبيعى ؟
توفيق : مش عارف أقول لك إيه [مترددأ .. يفكر] مش
عارف .. يمكن يكون عيان .

كوثر

: أنا برده ساعات باقول إنه عيان .. لكن عيان بإيه ؟
يمكن الإنسان يبقى مصاب بعاة فى الشعور ؟
يبقى عاجز عن الحب زى الأعمى العاجز عن

كوثر : وأنا يا توفيق .. حاولت تحس بى مرة .. حاولت
تعرف قد إيه أنا باتعذب .
توفيق : كوثر .
كوثر : وأنا ايديا ممدوده بالحب والحنان والرحمة ومفيش
إيد بتمتد لى .. وأنا بانق على باب مقفول .. وبكلم
واحد مش بيسمع .
توفيق : رحمى بيسمع .. رحمى بيسمع .
كوثر : بيسمع ويبشوف .. وبيحس .. آمال ليه مابيقدرش
يحس بيه ؟
توفيق : بيتها لى كل واحد فيكم بيتكلم لغة مختلفة عن
التانى .
كوثر : نفسى تعرف لغته عشان تفهمها لى .
[صوت رحمى يرتفع عالياً خشناً من خارج
المسرح]
رحمى : أنا قلت مش عاوز ورد .. مش عاوز ورد .. ريحة
الورد بتخنقنى .. بتخنقنى .
كوثر : [كوثر تفتيق على صوت زوجها .. وتتبدل
سحتها ويبدو عليها الغم]
رحمى : [وما تلبث أن تخرج مسرعة] .
رحمى : فى كل حنة ورد .. ورد .. أنا بتخنق .

البصر .. يبقى مولود من غير قلب .
توفيق : لا .. أنا قصدى عيان .. عيان .. أنا شفته النهاردة
داخل عيادة دكتور .
كوثر : هو طول عمره بيجرى ورا الدكاترة .. والنهاردة
صبح يسأل على دكتور عشان يعالج صباغه .. هو
عايش فى الخوف .. خايف من المرض وهو عمره
ما رقد بمرض .
و خايف من الفقر وهو عمره ما شاف الفقر ..
ساعات بيتها لى أنه اتجوزنى من خوفه .. من
خوفه ليموت وحيد .
توفيق : كوثر ، ما تظلميش رحمى للدرجة دى .. رحمى
بيتعذب .
كوثر : بيتعذب ؟! أنت بتقول بيتعذب ؟!
توفيق : لو كان زى ما بتقول من غير قلب كان ارتاح ..
اللى بيفقد الشعور والقلب بيرتاح .
كوثر : مش قادرة أفهم .
توفيق : أنا باحس دايماً أنه بيتعذب .. لكن مش قادر
أوصل للسبب .. كل ما أقرب له أحس أنه بيتبعد
عنّى وببخش جوه نفسه .. وكل يوم ببخش جوا
نفسه أكثر .

[صوت من الخارج .. يدخل رحمى يده
مربوطة برباط شاش]

رحمى : أهلاً توفيق .. أنا اتأخرت عليك .. معلش .. أصل
عديت على الدكتور .

توفيق : إيه ؟ مال إيدك .. إيه اللي جرحها ؟
رحمى : لو حكيت لك مش حاتصدق .. وحاتقول على
مجنون .

توفيق : [ضاحكا] : أمى دى اللي عمرى ما حقولها أبدا .
رحمى : لكن هى دى الحقيقة [يتهالك متعباً مكدوداً ثم
يقوم ويذهب ويجيء فى قلق ثم يتلفت حوله
قائلاً فى رجفة]

رحمى : الهوا ده جاي منين .. فيه تيار هوا .. يا ساتر ..
أنا بردان !

توفيق : بردان منين بس .. ده احنا فى عز الحر ..
والشبابيك مقفلة .. مفيش نسمة هوا .

[رحمى يتلفت حوله ليتأكد من أن الشبابيك
مقفلة فعلاً ثم يغمغم]

رحمى : كده .. طيب .. أنا حببت أتأكد بس .. أصل أنت
عارف الروماتزم لما بيتمكن من المفاصل .. يلا
السلامة .

[تدخل كوثر حاملة صينية عليها شاي
وساندوتشات يتطلع إليها رحمى مرتاباً]
اووى تكونى حظيتى لى سكر [يخرج عليه من
جيبه] هاتى وأنا احط بنفسى .

[ياخذ فنجاناه ويضع فيه فتقوتة سكرين]
إيه اللي بتحطة ؟

سكرين .. احنا دلوقتى فى السن الحرجة ..
والإسراف فى النشويات يجيب لنا السكر والوقاية
خير من العلاج .

: أعوذ بالله .. والله يا أخى أنا عندي أعيا بالسكر ولا
أنى أعيش طول عمرى أخذ وقاية منه .. حتى لى
يا أختى ثلاث حنت .. حتى .. روماتيزم إيه وسكر
إيه .. أنت بخير والحمد لله وصحتك كويسة إيه
لازمة الخوف .. دى العيشة فى الخوف كده الموت
أرحم منها .

: الموت .. [ينظر إليه نظرة غريبة] وهو فين الموت؟
: اللي أنت فيه هو الموت .

: [تسحب كرسيها وتجلس] وأشنع من الموت ..
الموت على الأقل راحة وإنما العيشة فى العذاب كده
جحيم .

...

...

...

...

...

...

...

رحمى [مازال ينظر نظرات غريبة] : جحيم فعلا ..

هى جحيم .. مين يعرف ؟ يمكن أنا عملت حاجة أستحق عليها الجحيم .

توفيق

إيه التخريف ده ؟

رحمى

أمال يعنى الناس بيتخطوا فى الجحيم من غير سبب ؟

توفيق

الناس هما اللى بيخطوا أنفسهم فى الجحيم بسوء تصرفهم .. وأنت حكمت على نفسك بالجحيم بوسوستك وخوفك ورعبك من كل حاجة .

رحمى

[يصفق] مرافعة عظيمة يا أستاذ توفيق ..

رائع .. براءة .. إفراج يخرج رحمى من الجحيم ..

يفرج عنه حالا [يستسم وينظر إليها نظرات

غريبة] ياريت الدنيا سهلة كده زى ما هيه سهلة

فى المحاكم .. ياريت ألاقى المحامى اللى يطلعنى

براءة ويفرج عنى [ينظر إليه متوسلا] عندكش

محامى كويس ياخد اللى ياخده بس يتراجع عنى

بذمة ويطلعنى من الغلب اللى أنا فيه .

توفيق

[ضاحكا] : حطّلع تروح فين يا رحمى .

رحمى

[فى ياس] : فعلا .. حاطّلع أروح فين ؟ حروح

من نفسى فين .. واطّلع منها ازاي .. اشرب

يا توفيق [يناوله فنجاناه .. يتلفت حوله فى

حيرة] ساعات بيتها لى أن كل ده مش حقيقى ..

أنا وأنت وكباية الشاى وطعم السكر وابتسامة

كوثر ومراة العلقم اللى جوه قلوبنا والضحك

والدموع كل ده مش حقيقى .. حاجة زى حفلة

تنكرية بروفة ورا الكواليس خيالات بعد كاسين

وسكى .. كابوس بعد أكلة ثقيلة .. تصاوير زى

اللى بنشوفها فى كتب الأطفال [يسرح لحظة] ..

ساعات يفكر .

[يصمت طويلا فى حيرة ولا يتم جملة]

[فى فضول] : بتفكر فى إيه ؟

[بإشاحة من يده] : لا مفيش فائدة لا

حتفهمنى ولا حافهك .

[يستحثه] : أبدا .. تأكد أنى حافهك .

: هو خبر غريب .. يمكن ما تصدقش .. أنت فاكر

الشرقاوى ؟

[محاولا أن يتذكر] : القضية اللى حكمت فيها

بالإعدام على فضل الشرقاوى .. أيوه فاكرها .

[يلقي بقنبلة] : فضل الشرقاوى لسه عايش .

[يقفز من كرسيه] : فضل الشرقاوى اللى

...

...

...

...

...

...

...

اتشبق من كام سنة .. عايش ؟ أنت بتقول إيه ؟

رحمى : باقول إنه عايش .

توفيق : قصدك عايش فى خيالك ؟ أو فى ..

رحمى : عايش فى الدنيا .

توفيق : إيه الكلام ده .. أنت حاتجنى ؟

رحمى : أنا باقولك على الحقيقة .

توفيق : وقلت للدكتور على الكلام ده .

رحمى : لا طبعاً ..

توفيق : [ينظر إليه فى إشفاق] : رحمى .. أنت لازم

تأخذ اجازة من الشغل وتستريح .. أنا عارف أن

قضية السفاح بشندى طولت وتعبتك .. وتعبتنا

أحنا كمان .. والمرافعات مش حاتخلص والملف اللى

كان صفحتين بقى ألف صفحة .. وأنت بترهق

نفسك .

رحمى : أنت عايز تقول إن عندى « انهيار عصبى » ؟

توفيق : [فى يأس] : على كيفك أنت حر .. أنا مش

معقول حائصك وأنت أكبر منى وأدرى بنفسك .

رحمى : مش قولتك مش حاتفهمنى .. [يشيح بيده]

عالموم مانتزعلش .. اعتبر الكلام اللى قلته نكتة .

توفيق : نكتة .. [ينظر إليه فى دهشة]

انكت مرة من نفسى يا أخى .. طول عمرى

مانكتش ولا نكتة ..

[ما زال ينظر إليه فى عجب] : لكن دى بقى

نكتة غريبة قوى .

يعنى مش ساعات بتشوف نفسك فى الحلم جرادة

.. وتبقى مندמש جدا إزاي أنت جرادة بتاكل

ورق شجر .. تبقى زعلان ومش مصدق .

والآخر بصحى .. بلاقى نفسى إنسان مش جرادة

زى ما أنت شايف .

[ضاحكاً] : وإيش عرفك إنك إنسان دلوقت ..

مش جايز أنت جرادة بتحلم أنها إنسان وأنت

حاتصحى كمان شوية تلاقى نفسك جرادة .

[يشد شعره] : لا أنت النهاردة حاتجنى .. إيه

رايك فى الكلام ده يا كوثر ؟

أنا مش فاهمة حاجة .

أحسن .

رحمى : ..

أمال لو حكيت لكو على الحكاية الثانية اللى

حصلت لى حاتموا إيه ؟

مؤثر وتوفيق : حكاية إيه كمان ؟

رحمى : حكاية الجرح اللى فى إيدى وسببه .
توفيق : أيوه صحيح أنت ما حكيت لناش على الجرح اللى
فى إيدك .
رحمى : لوقلت لكو برضه مش حاتصدقوا .
توفيق : يا سيدى حاتصدق .. بس قول لنا .
كوثر : أطلع بره عشان تتكلموا على راحتكم .
رحمى : ليه بقى .. هو أنا تعورت فى كباريه ؟
توفيق : آمال إيه يا أخى حيرتنا !!
رحمى : [يقوم من كرسية ليذرع الغرفة فى شرود] :
أبدأ .. ولا حاجة .. أصل اتعورت فى الحلم .
توفيق : فى الحلم ؟
رحمى : أيوه فى الحلم .. واحد ضربنى بسكينة فى الحلم ..
صحيت لقيت إيدى مقطوعة والدم نازل منها .
[كوثر تنظر إلى توفيق نظرات ذات معنى]
توفيق : رحمى .. أنت حاترجع للنكت تانى .
رحمى : مش قلت لكو أنك مش حاتصدقوا .
توفيق : رحمى .. أنت لازم تحكى لنا بالضبط إيه الحكاية ..
أنت مش طبيعى اليومين دول ولازم فيه حاجة
مخبيها علينا .. ولازم تقول لنا عليها .
[رحمى ينظر إليهما .. يبدو عليه الارتباك ولا يتكلم]

رحمى :
[فى ارتباك] : أصل ما فيش فايدة .. ما فيش حد
فينا حافهم التانى .
ما هو مش معقول كمان تضحك علينا بالكلام
الفارغ بتاع الأحلام ده .. ده كلام ما يخش عقل .
عقل ؟! عقل مين ؟!
العقل المنطقى الحصيف اللى بيصوغ العدالة
ويورينا الحقيقة فى المحكمة كل يوم .
[ساخراً] : حقيقة إيه .. وعدالة إيه .. أحنأ
حانغنى على بعض .. هو فيه حاجة فى الدنيا دى
اسمها عدالة .. ولا حقيقة ؟
رحمى :
بذمتك فيه فى الدنيا عدالة ؟! القاتل الذكى اللى
بيقتل عيني عينك فى حروب التهاب والعدوان حد
بيقول له تلت التلاتة كام .. مش بياخذ نشان
وترقية على جريمته .. ويقولوا عنه البطل اللى
دافع عن الديمقراطية والحرية وحرر الشعب من
نير العبودية إلخ .. إلخ .. ما هو كل واحد حايلاقى
له شعار وكلام يقوله ، ومدام معاه أوامر وورقة
مضمية حايقدر يعمل أى حاجة .. يقتل يسرق

ينهب يسجن .. يعنى السفاح بشندى اللى احنا
سجنه بأوراق وأحكام وحشيات يعنى أنت متأكد
أنه مجرم .. ولما أنت متأكد أنه مجرم صحيح ..
كنت بتدافع عنه ليه وتطلب له براءة .

توفيق : عشان يبقى عنده فرصة يقول كل حاجة .
رحمى : عمره ما كان عنده فرصة يقول أى حاجة .. أنت
اللى كنت بتتكلم طول الوقت وهو مسلسل فى
القفس .

توفيق : [يسكت مأخوذاً : لحظة صمت ثم يقول بارتياح]:
وحاتنظر قضية بشندى .. بالطريقة دى من يوم
ورايح .

رحمى : ومين قال لك إنى حانظر قضايا .. أنا خلاص
طلبت إحالتى على المعاش وتسوية مرتبى .
[توفيق وكوثر يصيحان فى وقت واحد]

توفيق : رحمى !
كوثر : رحمى أنت بتقول إيه ؟

رحمى : أنا تعبت .. الفاعل اللى ببشيل الطوب على دماغه
بيجبلوا ساعة بينهد وينام وأنا اتهدت .. عقلى
اتهد .. أنا مش فاهم حاجة .

توفيق : [فى حيرة] : مش معقول .. مش قادر أصدق أن

اللى بيقول الكلام ده هو اللى حكم بالإعدام
والاحكام القصوى بالسجن والأشغال الشاقة على
المئات .. هو .. المستشار رحمى اللى بيرعب أعتى
المجرمين.

رحمى : كان زمان .. دلوقت المستشار الرهيب أقل شىء
يرعبه .. ضله على الحيط يرعبه .. دقات قلبه
ترعبه .. كلمة الحق ترعبه .

رحمى : كلمة الحق ؟

رحمى : مغيش شىء يخوف قد كلمة الحق .. يمكن لو
فكرت فى كلمة الحق دلوقت تموت نفسك .. يمكن
تنتحر .

رحمى : أنا طول عمرى بافكر فى كلمة الحق .. ده عملى ..
حرفتى .

رحمى : الحق مش ممكن الواحد يحترفه .. ده له اسم تانى
اللى أنت بتحترفه .. اسمه الباطل .

رحمى : لا .. ده أنت فعلاً .. تعبان أوى .

رحمى : الحق زى الشمس الواحد ما يقدرش يبص فيه ..
ولو بص فيه بيعمي .. هتلر الجبار لما بص لوجهه
الحقيقى فى اللحظة الأخيرة ضرب نفسه
بالرصاص .. ماقدرش يبص مرة ثانية .. مقدرش
يواجه الحقيقة .

[تنظر في ساعتها] رضى .. أنت سهرت
النهاردة أكثر من اللازم وضرورى تستريح .
صحيح كفاية سهر النهاردة عشان أنت تعب
[يقوم متهيئاً للخروج] وأنا ماشى بقى .
إيه مستعجل ليه ؟ رايح فين ؟
معلش عشان تستريح شوية .. حافوت عليك
بكرة .. أول ما أخلص من الشغل .
[رضى ينظر إليه فى شرود .. توفيق يخرج
وهو محزون مهموم مبلبل الذهن .. ويودعه
الاثنان حتى الباب .. رضى مازال ينظر أمامه
فى شرود .. كوثر تنظر إليه فى خوف .. رضى
يتمشى فى الغرفة وهو سارح] .
[مازالت تنظر إليه بخوف] : اجيب لك كباية
لين دافى .. أنت ما اتعشتش .
طيب :
[تخرج كوثر ويجلس رضى على المكتب ويفتح
دوسيهياً به مئات الصفحات ويضىء لمبة المكتب ..
ويطفىء النور الكبير ، وينهمك فى القراءة .. ثم
تدخل كوثر ويدها كوب اللبن الدافىء]
أنت حاترجع تانى للدوسيهات دى .. مش قلنا

اللى

اللى

اللى

اللى

اللى

اللى

اللى

: وأنت شغت الحقيقة .

: أنا إنسان كليل البصر .. أنا شخت .. عجزت .. أنا

دلوقتى فى المنفى .

: أنت اللى بتقتنى نفسك بنفسك .

: [يرفع بصره وينظر إلى توفيق وكوثر ولا

يجيب .. لحظة صمت] : حا أقول لك إيه عمرك

ما حتقدر تفهمنى .

: أنت تعب يا رضى .. أنت لازم تاخذ أجازة زى

ما بيقول توفيق .. بلاش المعاش وخذ أجازة ..

العقل له حدود احتمال وانت تعبت نفسك كثير .

: [يضحك ضحكة خافتة] : قصدك أنى اتجننت

.. جايئ .. مين يعرف .. أنا عاذرك .. أنا كمان

شايف انك اتجننت وشايف الدنيا كلها جنان فى

جنان .

: يا رضى اسمع الكلام .. أنت لازم تستريح .. أنا

حا أكلمك واحد دكتور صاحبى كويس فى

الأعصاب .

: أشكره .. عارفه .. رحت له .

: رحت له ؟

: لقيته مجنون زوى وزيك .

توفيق

رحمى

توفيق

رحمى

كوثر

رحمى

توفيق

رحمى

توفيق

رحمى

حاتستريح النهاردة ؟

رحمى : التعب هو دوايا .. هو المسكّن اللى باخده كل يوم
عشان أنسى .

كوثر : تنسى ؟! تنسى إيه ؟
رحمى : أنسى نفسى .. لما باستريح كل حواسى بتصحى ..

وأشوف كل شىء بوضوح مؤلم رهيب .
كوثر : يارحمى أنت حاتموت نفسك بالأفكار دى .

رحمى : هو فين الموت ؟ الواحد يلاقيه فين ؟! ياريت الواحد
يقدر يموت زى ما بيطفى لمبة المكتب كده .

[يضغط على زر لمبة المكتب فتتطفى ويسود

الغلام تماما فى الغرفة .. تصرخ كوثر مذعورة]

شوفى الضلمة جميلة إزاي .. أهو الموت جميل كده .

كوثر : رحمى .. عملت كده ليه .. طفيت النور ليه ؟

رحمى : [فى الغلام] : إيه مالك خايقة كده ؟! هى دى
أول مرة نقعد لوحدنا فى الضلمة .. أنت نسيتى

إناحنا متجوزين بقالنا عشرين سنة وكل ليلة بنتام
لوحدنا فى الضلمة .

كوثر : أنا مش خايقة من الضلمة .. أنا خايقة منك .

رحمى : خايقة منى ؟! فيه واحدة تخاف من جوزها اللى
معاشره وعارفاه ؟

إحنا عمرنا ما عرفنا بعض يا رحمى .

: صحيح .. صدقت فى الكلمة دى .. إحنا ساكتين
مع بعض بس .

: [تصرخ] : ولع النور يا رحمى أرجوك .
: وإيه لازمته ؟

[صوت خطوات]

: [فى رعب] : رحمى !

: شوفى الضلمة جميلة إزاي .. مافيهاش ولا كذبة
واحدة .. لو كان الواحد يقدر يمسح حياته زى ما

بيمسح الأضواء الكذابة دى كانت بقت حاجة
جميلة .. لو كنت أقدر أمسح صورته من قلبك .

: هو مين ؟

اللى بتحبيه .

[صوت خطواته وهو مقبل عليها فى الغلام]

: [تصرخ] : رحمى ..

[يشعل رحمى النور الكبير .. ويكون فى تلك
اللحظة واقفاً بجوار الباب] .

: رحمى .. أرجوك .. أنا عملت إيه عشان تعذبنى
العذاب ده كله وتعذب نفسك معايا .. لإمتى

حاتستمر فى الجنون ده [تبكى]

رحمى

: لغاية ما نموت .

كوثر

: أنت عاوز منى إيه .. بتعمل فيه كده ليه .. أنت

بتعاقبنى .. أنا عملت فيك حاجة ؟!

رحمى

: حياتنا كلها كذب فى كذب .. فيه جريمة أكبر من

كده .. خيانتك لى كل يوم .

كوثر

: [تصرخ] : أنت مجنون .. خنتك إمتى .. ومع

مين .. أنت بتحلم !

رحمى

: وأنت بتحلمى كمان .. حلم اليقظة الطويل الجميل

بين أحضانه .

كوثر

: أنت مجنون .. أنا مش ممكن أقعد معاك لحظة

واحدة .. أنا طهقت خليك .. اتجنن لوحديك .. أنا

سايبالك الدنيا .

: [تهرول خارجة وتصفق الباب وهو واقف فى

مكانه لا يتحرك .. وينزل إلى الفراغ فى

شروء .. يمشى ببطء ثم يتهاك على المكتب ..

يطفىء النور الكبير ويضئ لمبة مكتب صغيرة

نورها خافت مظل الغرفة فى إضاءة خافتة ..

يضع رأسه بين كتفيه] .

: [موسيقى تأثيرية تزداد شدة وعنفا لحظة بعد

أخرى تنشق أرض غرفة المكتب لتخرج منها

الساجب

رحمى

هيئة محكمة كاملة من ثلاثة قضاة على

منصة .. وممثل اتهام .. ومحام وحاجب ..

وقفص اتهام .. قفص الاتهام ليس به أحد ..

ونلاحظ أن كوثر هى التى تلبس ثوب ممثل

الاتهام .. وأن توفيق هو المحامى .. كما نلاحظ

أن القضاة الثلاثة والحاجب يلبسون ملابس

المساجين وفى أيديهم وأرجلهم سلاسل ، وعلى

رأس كل واحد لبدة ونمرة نحاس والقضاة

يلبسون وشاح القضاء الأخضر ذا النجوم فوق

هذا الزى .. إضاءة شديدة على المنصة والقفص

وعلى ممثل الاتهام والمحامى .. طول الوقت

رحمى يخفى رأسه بين كتفيه .. ولا يبدى حركة

تدل على أنه يظن إلى ما يجرى .. الموسيقى

تزداد عنفاً ثم تسكت فجأة ليعلو عليها صوت

الحاجب منادياً المتهم] .

: [ينادى] : رحمى محمد سعودى .. [يعود

فيكرر الاسم بصوت مرتفع كالصاروخ] المتهم

رحمى محمد سعودى .

: [يجاوب وهو مازال يخفى رأسه بين كتفيه] :

أيوه أنا هـ .

[يرفع رأسه .. ولا يبدي اندهاشاً .. وكأنه يعرف ما يجرى .. وكأنها ليست أول محكمة يحضرها .. ويقوم متهاكاً ويدخل قفص الاتهام .. صوت غلوشة ومهمنة]

القاضي

[يدق المنصة بالشاكوش الخشبي] سكوت من فضلكم .

[ممثل الاتهام يقف ملوحاً بيده]

كوتنر

: [فى رى ممثل الاتهام] : هذا المتهم يا حضرات المستشارين .. هذا الرجل الذى يقف أمامكم فى استكانة وذلة وكأنه ملاك برئ هو مجرم أثيم مخضب اليدين بالدم .. قاتل سفاح قتل عمداً مع سبق الإصرار والترصد أعضاء هذه الهيئة الموقرة .. فى صبيحة الأحد ١٥ مارس سنة ١٩٤٧ أصدر حكماً بالإعدام شنقاً على سيادة فضل الشرقاوى الذى يتصدر هذه المنصة .. وفى صبيحة

الثلاثاء ٢٠ أكتوبر سنة ١٩٤٨ أصدر حكماً بالإعدام على محمد قناوى ومحمود قناوى وسالم قناوى وسليم قناوى ..

[يشاور بيده على الضحايا واحداً واحداً حيث

يحتلون مقاعدهم من المحكمة] .

هذا عدا أحد عشر حكماً آخر بالإعدام تاجل النظر فيها لحين حضور المحكوم عليهم .. ستة عشر روحاً من البشر أزهقها هذا الرجل شنقاً دون أن يخلج له جفن .. كل روح لم تكن تعنى عنده أكثر من توقيع على دفتر .. وفعل ما هو أبشع من هذا كله .. وأبشع مما يفعله أى قاتل محترف .. كان يزهق أرواح ضحاياه وهو مزهو فخور معتد وكأنه يقدم خدمة إنسانية .. فعل هذا بكامل قواه العقلية وبكامل وعيه ..

: اعتراض من فضلك .. المتهم ينكر بشدة أنه كان بكامل قواه العقلية ، ويقرر أنه كان واقعاً تحت تأثير ..

الحامى

[مقاطعاً] : دى حجة قديمة .

القاضى الشرقاوى

: واقع تحت تأثير إيه .. الحشيش .. والا الكوكايين ..

قاضى اليمين

: واقع تحت تأثير أشد من الحشيش والكوكايين

الحامى

والمخدرات كلها .. واقع تحت تأثير القانون الجارى ..

تحت تأثير العرف الاجتماعى .. وروح العصر .

: إيه القانون الجارى .. والعرف الاجتماعى .. وروح

الشرقاوى

العصر .

كوثر : دى كلمات مالهاش راس من ديل .. ثم القانون ده مش شىء جامد .. ليه ماطالبش بتطوير القانون إذا كان مش مقتنع بيه ؟

القاضى : أنا عاوز أسأل المتهم دلوقت بعد إذن الدفاع .. هل كان مقتنعاً بالقانون اللى بينفذه والا لا ؟

كوثر : [فى زى ممثل الاتهام] : المتهم يجيب .

[رحمى ينظر فى ارتباك]

القاضى : [بعد السؤال] هل أنت مقتنع بالقانون اللى بتطبقه وإلا لا ؟ قول .. قول .. انطق .

رحمى : [فى ارتباك] : معرفش . [ضحك]

كوثر : [فى زى ممثل الاتهام يصرخ] : المتهم مش عارف حاجة دلوقت ومع ذلك ساعة ما كان هنا على هذه المنصة .. كان يعرف جيداً .. كان يعرف لدرجة اليقين والزهو والاعتداد والثقة .. كان يعرف لدرجة لا تقبل استثناء أو مراجعة .. كان يشق متهماً بعد الآخر وكأنه يلهو بسلسلة مفاتيحه .

القاضى : [يعود إلى سؤال المتهم] : وإذا كنت مش عارف على حد قولك إزاي كنت بتوضع حيثيات أحكامك .

رحمى : [فى ارتباك] : أنا كنت باوضع حيثيات لأن

المتبع إن كل حكم كانت تسبقه حيثيات .. العرف كان كده .

شمس : وفيين دورك «قضاى» .. إذا كان كل عملك هو مجارة العرف بدون عقل .. وبدون إدراك ؟

رحمى : معرفش .

شمس : هل أنت مدرك أن التصل من أفعالك لن يجديك .

رحمى : معرفش .

[يقاطع] : بعد إذن القاضى .. أرجو لفت النظر إلى أن موكلى فى حالة عقلية غير طبيعية .

كوثر : [ممثل الاتهام يصرخ] : أرجو لفت نظر الدفاع إلى أن المتهم يتستر وراء ادعاء بعدم الكفاية العقلية .. على المحكمة ألا تسمح بهذا التلاعب .. إن هذا التلاعب معناه تلاعب بالعدالة .. وسخرية بهيئة المحكمة الموقرة التى تمثل هذه العدالة .

القاضى : [يديق على المنصة بشاكوش خشب] : الكلام فى مسألة الكفاية العقلية حايخرجنا من الموضوع فضلاً عن أن البت فى هذه المسألة من اختصاص الطبيب الشرعى .. فنرجو حصر استجوابنا اليوم فى الوقائع .. خلينا فى الوقائع من فضلكم .

[رحمى يرفع أصبعه طالباً الكلام]

رحمى : [فى ارتباك] : أنا عاوز أقول ..

القاضى : اتفضل .. عاوز تقول إيه ؟

رحمى : أنا وقت إصدارى أحكام الإعدام كنت أعتقد أن أحكام الإعدام حاتوضع حد لحياة أصحابها فتريحهم وتريحنا .

قاضى يمين : وأنت كنت عايز تخلص منهم ليه .. كانوا تابعينك فى إيه ؟

[ضحك]

رحمى : أنا ماكنتش عايز أتخلص منهم .. أنا ماليش مصلحة المجتمع هو صاحب المصلحة .

القاضى : إزاي بقى فهمتى ؟

رحمى : المجتمع هو صاحب المصلحة .. حاتبقى فيه عدالة وكل واحد حايشعر بالأطمئنان لأن كل مجرم يقتص منه .

[ضحك الجميع]

القاضى : يعنى الحكاية حكاية انتقام وأنت ممثل الانتقام فى المجتمع .. عضك الكلب تجرى وراه وتعضه .. تبقى كلب زيه [ضحك] هل تعلم أن العدالة حينما تنزل إلى مستوى المجرم وتتبنى أساليبه تنحط بنفسها وتفقد معناها الرفيع وتصبح

مجرمة مثله سواء بسواء .

العرف الاجتماعى كان كده .. وأنا مش عايش لوحدى .. أنا عايش فى رأى عام .

رحمى : لكن أنت طليعة هذا الرأى العام ويوم ما حاتمشى الطلائع فى المؤخرة يبقى على الدنيا السلام .

رحمى : العدالة نسبية دايماً ومرتبطة بعصرها . بتقول العدالة نسبية .. طيب ليه تقطع قطع مطلق

فى مصير إنسان وتعدمه « إعدام نهائى » ؟

رحمى : حا تعمل إيه ؟

القاضى : حطه فى الطور .. استفيد بيه يقطع حجارة .

رحمى : والرأى العام .. والرأى العام حايمشى وراك .. وأنت القدوة .. مين بيحط الذوق القانونى للناس ؟

رحمى : مين ؟

رحمى : [فى ارتباك] : مين ؟

القاضى : رجل القانون اللى عنده ضمير .

رحمى : [يلتفت حوله باحثاً] : فين هو ده .. أنا عمرى ما شفته ..

[ضجة وهمهمة فى القاعة]

رحمى : [ممثل الاتهام] نلت نظر المحكمة إلى أن جريمة

المتهم أكبر من مجرد سوء فهم لنصوص القانون..
ذلك الرجل كان يصدر أحكامه بدافع من الكراهية
والحقد لا بدافع من الحرص على العدالة.. إن هذا
الرجل الخسيس يكره الإنسان فى أعماق ضميره .
: أنا لا أفهم معنى لترديد هذه التهم الجزافية أمثال
هذا الرجل يكره الإنسان .. هذا الرجل عدو
العدالة.. يعنى إيه .. دى كلمات مطاطة وتهم
مائعة.. ممكن تقال لكل واحد .. أنا عايز وقائع ..
وقائع .

المحامى

: [ممثل الاتهام يتجه إلى المتهم بقسوة] : أنا
أطلب من المتهم الاعتراف بصراحة بحقيقة
الكراهية التى تسود بيته .. بحقيقة العداء والحقد
الذى يخيم على حياته ..
: [فى دُعر] : دى مشاعر خاصة .. وليس من
حق المحكمة أن تنتهك المشاعر الخاصة لاي إنسان.
: الكلام ده تقوله فى محاكمكم .. المحكمة دى شأنها
الأول واختصاصها .. وقائع الشعور .. وقائع
الضمير .. إحنا هنا بنفتش عن الحقيقة جوا القلب..
ماتهمناش الأحرار اللى يظبطها البوليس فى
دولاب المتهم .. احنا هنا غايتنا التفتيش جوه

كوثر

رحمى

القاضى

قلبك.. جوا ضميرك .. جوا روحك .

: [يشعر بشعور رجل مأمور بأن يخلع عرياناً
.. يصرخ فى رعب .. وفى صوت باك] : مش
معقول .. دا ظلم .. حرام .. حرام .. ربنا ما
يرضاش بكده .. ربنا ما يرضاش بكده .
[ينهار داخل قفصه]

: تستطيع أن توفر على نفسك مهانة التفتيش بأنك
تعترف .

القاضى

رحمى

: [ينهار فى قفصه يتلوى من الألم] : مش
معقول.. حرام .

كوثر

: [ممثل الاتهام] : وهكذا ترون يا حضرات
المستشارين كيف يتلوى المتهم من العار والخزى
حينما يستشعر بأن الكراهية الزرقاء التى يطفح
بها قلبه توشك أن تنكشف .. إنه لا يجد الجراحة
لأن يراها بنفسه .. لا يستطيع أن يفتح عينيه على
بشاعة حقيقته .

: [بصوت باك] مش معقول .. حرام .. حرام ..
مش معقول يطلب من إنسان أن يعرض نفسه
عريان بدون ملابس .. بدون جلد .. بدون لحم ..
حرام .

رحمى

ممثل الاتهام [بقسوة] : للمرة الأخيرة أطلب من المتهم الاعتراف بحقيقة الكرامية التى يخفيها بحقيقة الشك والغيرة والحسد والبغض والحد .

رحمى : [يصرخ وهو يبكى] : حرام .. [يصرخ مستنجداً] أمى .. أمى .. أمى .

ممثل الاتهام : [بقسوة] : وما هو قد عاد طفلاً ينادى على أمه .. رحمى : [يصرخ وهو مازال يبكى ويتنفض] : أمى .. أمى !

[ينفث باب وتدخل أم رحمى الغرفة تتلفت باحثة عن ابنها من الواضح أنها لا ترى هذه المحاكمة ولا تلقى بالا إلى أحد من الموجودين فيها - وإنما تسرع إلى ابنها وتحضنه] .

رحمى : أمى .. أنت فين يامى .. [يشاور لها على المحاكمة والمنصة والقضاة والمحامى والحاجب .. ولكنها تتبع إصبعه ولا ترى شيئاً] .

أم رحمى : إيه يا ابنى .. فيه إيه .. بتشاور على إيه ؟

رحمى : على الناس دول .. مش شايفاهم يا أمى ؟

أم رحمى : ناس مين يا بنى .. مافيش حد غيرنا .. مالك يا

حبيبى بسم الله الرحمن الرحيم .

[القضاة والمحامى والحاجب وممثل الاتهام

مازالوا يحملقون فى رحمى .. الضوء الشديد قد انتقل إلى وجه الأم والابن وباقى المحاكمة فى ضوء خافت] .

مش شايفة الناس دول ؟

أبدًا يا حبيبى مفيش حد .. أنت لازم بيتهيا لك .

[رحمى فى تلك اللحظة يكون جالساً على باب قفصه يتحسس القضبان .. ويحاول أن يتصور أنها قضبان وهمية فى قفص وهمى لا وجود له كل ما يحدث فيه حلم فى حلم .. وهو لا يستطيع أن يصارح أمه بحقيقة مشاعره .. ولكنه يتشبث بها .. ويتعلق بها كالطفل الرضيع] .

[ممثل الاتهام يشير بإصبعه فى سخرية]

لقد عاد الرجل السفاح طفلاً يحبو على صدر أمه

[رحمى يسد أذنيه حتى لا يسمع .. ويخفى

رأسه فى كفه حتى لا يرى] .

: وإيه اللي مقعدك على الأرض كده يا بنى ؟

[رحمى مازال يسد أذنيه حتى لا يسمع ولا يرى

.. ويرفع رأسه أخيراً ويمسك بأمه هاتفاً] .

: أمى .. ربنا موجود فى الدنيا يا أمى ؟

: طبعاً يا بنى ربنا موجود فى كل الوجود .. وهو

أرحم الراحمين .

رحمى : طيب ليه مش بيرحمنى [يضع رأسه على صدرها ويبكي] ليه مش بيرحمنى ؟

« ستار »

الفصل الثاني

: [رحمى فى غرفة مكتبه يروح ويجىء فى خطوات سريعة قلقة وهو يعصر رأسه بيده ..
توفيق واقف بالباب]

أنت جى لى لك إيه يا رحمى .. أنت عملت إيه فى مراتك ؟

: [يرفع رأسه] : هى راحت لك ؟

: [مقبلا عليه] : أنت جى لعقلك إيه ؟

: [فى نغمة ذات معنى] : هى راحت لك زى كل مرة [يمسك به ويهزه] قالت لك إيه .. قل لى ..

قالت لك إيه [فى لهفة وقلق] وراحت لك ليه ؟

وليه كل مرة ماتلاقيش غيرك تروح له .. هى متجوزاك والا متجوزانى ؟ أنا عارف اللى بينكو .. أنا عارف ..

: أنت حاتخلينى أصدق اللى بيتقولوه الناس .. حتخلينى أقولك إنك اتجننت .

: أنا متجننتش .. أنا عارف إنك بتحبها وإنها بتحبك .. أنا عايش بتفرج عليكم طول السنين دى .

توفيق

: رحمتى !!

رحمتى

: ليه راحت لك .. قل لى ..

توفيق

: عشان مش لاقياك .. عشان مش لاقية حد تكلمه .

رحمتى

: وأنت الوحيد اللي بتلاقىك .. أنت الوحيد اللي

بتقدر تكلمه .. أنت .. أنت .. دائماً .. وأنا .. وأنا

فين ؟

توفيق

: أنت عمرك ما حاولت تفهمها .. عمرك ما قعدت

معافا قد ما بتقعد مع دوسيه مرمى على مكتبك .

رحمتى

: [وهو يصرخ ويشير بإصبعه فى استنكار] :

أنت توفيق اللي بتقول الكلام ده ؟

توفيق

: أنت غلطان يا رحمتى لازم أقولك على الحقيقة .

رحمتى

: [يصرخ] : وليه متقوليش على الحقيقة كلها ..

ليه ما تقولش إنك بتحبها .. وإنك حرصتها ..

وأغويتها .

توفيق

: [فى كبرياء] : رحمتى ..

رحمتى

: أأتمنك على بيتى .. سلمتك حياتى ووثقت بيك

: [فى ياس] والنهاية ..

توفيق

: رحمتى أنت اتجننت .

رحمتى

: أنا عقلت .. فتحت .. أنا شفت كل حاجة على

حقيقتها [ينثر إليه فى غل] لكن مش حاسيبيها

لك لقمة سهلة دى مراتى .. ملكى .. حاجيبيها

غضب عنها بالقانون .. حطليها فى الطاعة .

أنت بقالك عشرين سنة مقعدها معاك بالقانون

بتحاول تملكها بالقانون .. عملت إيه بالقانون

بتاعك يا مجنون ..

: طبعاً .. القانون عند الواحد زيك جنون .. واحد

زيك بيدخل بيوت الناس عشان يسرقها .

: [فى كبرياء مجروح] : أنا مش حا ادافع عن

نفسى .. مش حاقولك أد إيه أنت غلطت فى حقى

لأنك غلطت فى حق نفسك أكثر .. حرمت نفسك

من أكبر نعمة فى الدنيا .. من نعمة الحب .. وبنيت

حياتك على وهم اسمه القانون .

: الحب .. عملتوا إيه أنتو بالحب ؟! كذبتموا علينا

باسم الحب .. صورتموا لنا وهم أكبر من كل وهم

: [فى إشفاق] : وأنت عملت إيه بالقانون ؟! فى

النهاية بتشك فى القانون .. وتشك فى الناس ..

وتشك فى الحياة .

: [ينفجر] : لأنى عرفت اليأس .. علمتونى

اليأس .. علمتونى إننى أكره [يصرخ] أكره أكره ..

كرهت نفسى .. كرهت حياتى .. كرهت الدنيا ..

السنين الطويلة وأنتو قاعدين تبصوا لبعض وأنا

باتفرد [يغطى عينيه] .

توفيق

رحمى

: مش معقول .. مش قادر أصدق أن خيالك المجنون
يصور لك كل ده .. [يقترب منه فى إشفاق] .

: كنت عايز أهرب من الدنيا .. وأعيش فى منفى
« وحيد » ماشفش حد .. كنت عايز أنزل فى جب
تحت الأرض واستخبا .. [يهزه فى غل] كنت ..
عايز أقتلك .. وأقتلها .. وأقتل نفسى .. [يتركه
ويسرح لحظة] وبعدين بقيت أقول لنفسى ..

وأقتلها ليه ؟! ولية أحرك إيدى وأحمس لاي
عمل ؟! ولية أغضب ؟! ولية أثور ومفيش حاجة
تستحق أن أغضب وأثور ؟! كل شىء بيجيله ساعة
وينتهى .. كل شىء بيموت .. أنت حاتموت وحبك
حاي موت وهى حاتموت .. وأنا حاموت .. إيه الداعى
للعجلة .. السم فى الكاس اللى بنشره كلنا .

: دلوقت عرفت قد إيه كوثر اتعذبت معاك ؟

: أنا اللى اتعذبت .. وأنتم اللى عذبتونى لأنكم
عشتونى فى كذبة .. كذبة طويلة .. مالهاش نهاية
.. أنا كنت عايش فى كذبة .. أنت معاك حق .. كل
شىء اتهدم قدام عينيا .. كل شىء أصبح مشكوك
فيه .. [تاخذه نوبة جنون] كل الدوسيهات دى
كذب فى كذب [يبعثر الدوسيهات من على المكتب
ويمزقها واحداً بعد الآخر] كل الأحكام دى كذب ..

توفيق

رحمى

مفيش قانون .. مفيش عقل .. مفيش نظام .. مفيش
حرمة لاي شىء .. اللى بيقتل فيه قانون يعاقبه ..
لكن اللى بيحب ويقتل واللى بيحب وينتقم مفيش
مواد تطبق عليه .. اللى بيحب ويخرب ويخرب
قلوب ويهدم عقول وبيوت مفيش نصوص تعاقبه ..
الحب ؟ هو إيه عايز أفهم .. تقدر تفهمنى يعنى إيه
الحب ؟! إيه هو التكيف القانونى لكلمة الحب ؟

: رحمى ..

: أنا رجل قانون .. أنا مش شاعر . [ييدو فى
عينيه الجنون]

: رحمى ..

: [وهو يتذكر] : يبقى كلامهم فى محله .

: هما مين ؟

: هما اللى يقولوا إن احنا لازم نكتب القانون من
جديد نكتبه كلمة كلمة من جديد .

: هما مين اللى يقولوا كده ؟

: اللى بيعذبونى .. اللى خطوا أيديا فى الحديد ..
المجرمين .

: رحمى ..

: لكن أنا برئ .. برئ .. برئ .. أما ماليش ذنب .

: أنت بتتخيل حاجات مالهاش لزوم يارحمى ..

توفيق

رحمى

توفيق

رحمى

توفيق

رحمى

توفيق

رحمى

توفيق

رحمى

توفيق

مافيش اى حاجة بينى وبين مراتك أقسم لك ..
أقسم لك .

كذب .. كذب .. كل شيء كذب .

[يهزه] : فوق لنفسك يارحمى .. أنت عايش فى
وهم .. أنت ظلمت نفسك وظلمتنا معاك .

: أنا ماظلمتش حد .. أنا متهم زيكو .. فى إيدى
الحديد أهوه [يلوح بيديه كأنهما مغلولتان] .

: حديد إيه ؟

: حاقولك إيه مش ممكن تقدر تفهم .. أنت معذور أنا
كنت زيك وأنا قاعد أحكم على المتهمين من فوق
منصة القاضى .. عمرى ما قدرت أفهم لكن
دلوقتى وأنا فى القفص .. فهنت [يطرق إلى
الأرض مردفاً] فهنت ..

: فهنت إيه وقفص إيه ؟

: بعدين حاقولك .. بعد الجلسة .. لما ينطقوا بالحكم ..
حاقولك كل حاجة .

: جلسة إيه .. وحكم إيه .. [يشيح بيديه فى يأس
وقد آمن أخيراً أنه يواجه رجلاً مجنوناً] يبقى هى
كان عندها حق .. كانت عايشه وحيدة طول عمرها
فعلاً [ينظر إلى رحمى ثم يتجه إلى باب
الخروج] .

: رايح فين يا توفيق ؟

: [فى يأس] حاستنى بره على ما تخلص الجلسة.
[يخرج] .

[تسمع خطواته وهى تبتعد رويدا رويدا ..
رحمى يروح ويجيء فى غرفته .. ويبدأ
الحديث مع نفسه هامساً ثم يرتفع صوته
تدريجياً حتى يصيح صياحاً معولاً] .

: [فى همس] : كانت عايشة طول عمرها وحيدة
جدا .. وأنا أنا .. [يتجه إلى الجدار] أنا اللي كنت
بخبط على الجدران محدش بيسمعنى [يخبط على
الجدار بكلتا يديه فى جنون مغمغماً فى صوت
معول] قلبى اللي كان بيخبط فوق ضلوعى ..
محدش بيرد عليه .. حتى دموعى كانت بتتجحر ما
تسغفنىش .. حتى لسانى الأخرس مكانش بيلاقى
الكلام اللي يقوله .. أنا القاضى الأنانى .. [يخبط
على الجدار] الحنان كان بيطلع منى قسوة ..
الحب كان بيطلع منى كراهية .. كنت زى الطفل
الى عنده عاهة فى الكلام .. مكتتش باعرف أتكلم..
كنت وحيد وحدة الجنون .. كنت باصرخ .
[يخبط على الجدار وهو يصرخ . يجيء صوت
أمه متهدجاً حزناً من الخارج .. تدخل الأم من
اليمين] .

...

...

...

الأم : مالك يا بنى .
 رحمى : محدش كان بيسمعنى غير أمى .
 [أم رحمى تفتح وتدخل تحمل سجادة الصلاة تحت إبطها] .
 الأم : مالك يا بنى عايز إيه ؟ [تدخل عليه فى حنان وتحتضنه ويحيطها بذراعيه] .
 الأم : مالك ؟
 رحمى : عايزك تدعيلى يا أمى .. عايزك تدعى لابنك الغلبان .
 الأم : ربنا يجعل لك فى كل خطوة سلامة يابنى .. ربنا يقدم لك الطيب .. ويوقف لك ولاد الحلال .
 رحمى : مايقاش فيه ولاد حلال يا أمى .
 الأم : ولاد الحلال كتير يابنى .. الخير لسه فى الدنيا .
 رحمى : فين الخير سكته منين ؟
 الأم : سكته سكة المؤمنين يابنى .. ربنا بينور للمؤمنين طريقهم وقلب المؤمن دليله وكل المؤمنين على نور .
 رحمى : [فى ياس] : المؤمنين !!
 [ترجع الأم بوجهها إلى الصلاة] .
 الأم : أنا فى كل صلاة بادعيلك يابنى .
 [تذهب إلى ركن فى المسرح وتبسط سجادتها]
 بادعى لك أن ربنا يفتح لك الباب . [تبدأ فى

رحمى

رحمى

رحمى

الصلاة فلا تسمع صلاتها ولكننا نرى متممة شفيتها وحركات يديها والأنوار الكاشفة تتجمع لتضىء جسمها وهى تصلى فى حين يغرق باقى المسرح فى الظلمة .. ونسمع صوت رحمى] .
 : وامتى حايفتفتح الباب ؟
 [تخفت الأنوار الكاشفة على الأم ثم تنطفىء فى حين تضىء بقعة على الأرض أمام رحمى حيث تنشق الأرض وتخرج كوثر فى ثياب نوم هفافة تكشف صدرها وذراعيها وعلى كتفها وشاح رقيق شفاف يطير كأنه جناحان .. ويتهدل شعرها المصفف فى أناقصة .. البدرة والأحمر والروح والكحل فى تواليت كامل على وجهها المضىء الحلو .. تبدو شبيهة بتفاحة آدم] .
 : [يشهق فى انفعال] : كوثر !!
 [يتقدم رحمى محاولا الإمساك بكوثر ويلف حولها ويده على كتفها اليمنى بعد انتهاء الحركة تضحك كوثر - يتركها رحمى . لا تبدو كوثر أنها تسمعه .. وإنما هى تتطلع بعينيها إلى آفاق بعيدة وترفرق بذراعيها كأنها تطير] .
 : [فى انفعال أشد] : كوثر !! [يمد يده حتى يلمس وشاحها ثم يصرخ] : كوثر ! [يحدث

نفسه فى ياس [مش بتسمعى [بنغمة باكية]
 مش بتسمعى عينها سرحانين .. بتضحك [ينزل
 رحمى من أمام المكتب فترفع كوثر يدها إلى أعلى
 فيتقدم رحمى ويجذبها من يدها [بتضحك لين ..
 بتفكر فى مين .. مادة إيديها الاتنين لين .. مش
 لى .. دى مش شايفانى .. مادة إيديها لواحد تانى
 [تتقدم كوثر بحركة راقصة تحتضن شيئاً
 ما] .. له هو .. للسارق اللى سرقها منى [فى ألم
 وهو ينطق بالاسم [توفيق] .

كوثر

[تهتف فى حنان] توفيق !
 [تستدير كوثر .. يتراجع رحمى فى دعر ..
 يتلفت حوله كأنه يتوقع أن يظهر توفيق ولكن
 لا أحد هناك سواه هو وكوثر] .

كوثر

[فى حنان أكثر وهى تمد يدها .. وينزل رحمى إلى
 كوثر ويحتضنها ويلف بها] : توفيق .. حبيبى
 [تركع كوثر] أنا ماليش حد غيرك فى الدنيا أنا
 انتهيت .. أنا مابقيش بيت أعيش فيه .. أنا عايشة
 مع راجل مجنون .. مجنون .. رحمى اتجنن يا
 توفيق .. كان حايتلنى .. فقد عقله خلاص .

رحمى

[فى استنكار] : مش ممكن .. مش ممكن [يتركها
 رحمى] دى جريمة .. حرام .. ده غلط .

حمى

مونر

حمى

مونر

حمى

مونر

[تكلمه كأنه توفيق] : الحياة كلها غلط فى غل ..
 أنا بقالى عشرين سنة عايشة فى الغلط .. لو كنت
 بتحببى مكتنش فكرت فى الصبح ولا فى الغلط ..
 ماكنش حتى عرفت الصبح من الغلط [تقف كوثر
 وتحتضن رحمى وتلف به] أنت ماجربتش
 الحب والياس يا توفيق .

[فى استنكار] .. لكن ده جنون !
 [ترجع بظهرها] : أرجوك سيبنى أتعجن .. من
 حقى أنى أتعجن بعد كل اللى شففته [تقبل يد
 رحمى فى ذلة وكأنه توفيق] الجنون هو أملى
 الوحيد فى الحياة .

[فى ألم شنيع] لكن فيه واحد بيتعذب .. فيه
 واحد بيتعذب بينكم .

[تتخطى المسرح] : مفيش حد بيتعذب غيرى ..
 هو استريح .. فقد عقله .. قطع صلته بكل العالم ..
 معدهش دارى بحاجة .. أنا اللى عايشة باشوف
 موتى البطء بعينه .

كوثر ! [موسيقى] .

توفيق .. حبيبى أنت آخر أمل لى [تنظر إلى
 رحمى بانفعال بالغ .. تلقى بنفسها بين ذراعيه ..
 تدفن رأسها فى صدره .. لحظة صمت .. تبكى

كالطفلة على صدره وتغمغم في حرارة [يا حبيبى.. يا حبيبى [تصعد كواثر مع حركة يده حتى تصبح في مواجهته وتنام على رجليه] .
[موسيقى راقصة حاملة]

[ترفع رأسها من بين ذراعيه .. تتلفت حولها وهي نشوانة .. وتنتفلت منه في رقة .. تأخذ في التجوال وحدها بين قطع الأثاث تتفحصها حاملة .. يظهر من كلامها أنها تتخيل أنها في بيت توفيق .. وتتأمل قطع الأثاث فيه ؛]

: طول عمرى كنت باتخيل البيت اللي أنت عايش فيه والأوضة اللي بتنام فيها [تضحك كواثر وتنتفلت منه حتى تصل أمام المكتب وتركع وتمسك بأحد الكراسى] كل كرسى من دول كنت بانفضه كل يوم فى خيالى [تلمس الأثاث] العفش ده أصبح عفشى من كتر ما فكرت فيه .. أنت مالكش حاجة هنا .. كل حاجة هنا بتاعنى .. أنا اللي تعبت فيها .. [تذهب إلى الشماعة] الشماعة دى كنت دايماً باحلم بيها وكنت أول ما أخش أدور عليها علشان أعلق الشال بتاعى [تمد يدها في آلية وتخلع الشال الذى تلبسه وتعلقه على الشماعة .. قميص النوم نصف العريان يكشف الآن مفاتن

كواثر

جسمها الناضج الانثوى .. دائرة من الضوء تلاحقها في كل تحركاتها وتضيء جسمها المغرى .. تقف وسط الغرفة تتلفت كالطفلة [بيتيها لى أنا واقفة دلوقتى أن كل العمر اللي فات ما كانش حقيقى [موسيقى] بيتيها لى إنى كنت نعسانة وبفتح عيني لأول مرة .. وأنى حقوم البس فوطه المطبخ وأروح وأجهز لك الأكل .. مش معقول أنا هنا من ربع ساعة بس .. أنا هنا من يوم ما اتولدت [تنظر إلى رجمى فى شغف وتهمس فى حرارة [توفيق .. تهرع إليه وتلقى بنفسها على صدره].

: [يصرخ وهو يبعدها فى دعر] : مش معقول .. أنت مش شايقة .. أنت مش شايقة ..

: [تعود لتحضنه] : أنا مش شايقة أى أحد غيرك يا حبيبى ..

: [رجمى يمسكها من عنقها]

: أنت مجنونة .

: [تحضنه كواثر وتلف به]

: أنا مجنونة .. وعابيزة أعيش مجنونة على طول .. أرجوك بلاش تعقلنى .. أرجوك .

: [يبعدها فى خشونة] : لكن ده فظيلع [فى

رجمى

كواثر

رجمى

كواثر

رجمى

صراخ [فظيع] ينهار على أحد الكراسي النور
على كوتر بينما هو فى الظلام [وأنا وأنا
ماليش وجود ؟!] يتحسس جسده [أنا !

كوتر

: [تتحسسه فى حنان] : توفيق !

رحمى

: [يصرخ] : أنا مش توفيق .. أنا مش توفيق .. أنا

رحمى اللى بيكلمك .. رحمى [يصرخ] رحمى ..

رحمى .

توفيق ..

كوتر

ده جنون .. جنون .. [ويهجم عليها]

رحمى

[مازالت تهمس] : توفيق .. توفيق .

كوتر

: [يكتمها بيديه فى خشونة ويكتم نفسها] :

رحمى

اسكتى .. اسكتى .. أنا باكره صوتك .. باكرهك ..

باكرهك .. باكرهك .. وحاقتك .. وحاقتك ..

[يخف الضوء تدريجياً من على كوتر .. ونراها

تنزل فى شق الأرض وتختفى فى حين يلمع

الضوء على رحمى الذى يقف مشدوهاً يكتم

بيديه الهواء ويتمتم كالمصعوق وهو يتلفت

حوله وينادى]

: كوتر .. كوتر [فى ياس وصوته باك تظهر الأم

رحمى

من اليمين] كوتر .. أنت فى رحمتى فى .. رحمتى

غسين.. أنا .. أنا .. أنا قلت إيه .. أنا قلت إنى

باكرهك.. دايماً بأقول إنى باكرهك لكن أنا [بيكى]
أنا باجيك .. ليه مابعرفشى أقولها إلا فى السر ..
كوتر .. كوتر .. مدى لى إيدك .. أنا باغرق فى
عالم كله ضلمة .. ضلمة .. حموت وحيد .. يتيم
من غير أمل.. حاموت من غير ما أقولك اللى فى
قلبى .

[موسيقى جنازية .. الأضواء الكاشفة تضىء

الأم وهى تصلى وترفع يدها بالدعاء وتحرك

شفتيها ونحن لا نسمع صوتها ولكننا نرى

وجهها الهادئ المطمئن ويديها المرفوعتين

بالعبادة وشفتيها المرتعشتين بالصلاة ..

رحمى يتجه نحوها وينظر إلى وجهها الهادئ

فى دهشة ويقول بحسرة] .

: ليه ما باقدرش أصلى زى أمى ما بتصلى .. أمى

رحمى

وجهها هادئ .. هادئ .. حتقابل الموت بوجه

هادئ .. وأنا باقابل الحياة وأنا أرتجف .. بشوفا

والبيت فاضى عليها زى الخرابة وهى قاعدة

لوحدها تقول لى .. الدنيا ونس يابنى .. بادور فى

البيت .. فىن الونس ؟! بيتهى لى فيه ناس قاعدين

معاهما بيونسوها ما بلاقيش حد [ينظر إليها

وهى تتمتم بشفتيها] مجنونة .. مجنونة .. بتكلم

نفسها.. بتكلم مين دلوقت [بصوت مرتفع
وبدهشة] بتكلمى مين يا أمى [يصرخ مرتاعاً]
مين معانا .. مين معانا .

رحمى

[وهو يتلفت حوله فى الغرفة الخالية] : احنا
لوحدنا لوحدنا مافيش حد معانا .. انا هنا فى
الأوضة لوحدى مافيش حد معايا [موسيقى
تصويرية] .

[صوت الموسيقى يرتفع رويداً رويداً حتى
يصبح ضجيجاً يصك الأذان ثم يسكت دفعة
واحدة حين يلوح رحمى بيديه فى يأس
ليسكت ذلك الضجيج المدوى بداخله .. تلى ذلك
موسيقى رقيقة حزينة .. نأى .. باك معول]

رحمى

[فى شرود] : من زمان واحنا هنا لوحدنا ..
بنسلى بعض بالحكايات ونصبر بعض بالأمانى
الحلوة .. ونضحك .

[ضحكات مسجلة على شريط ركوردز تبدأ
واضحة ثم تدار بسرعة على الخلفية الموسيقية
للنأى الحزين فتبدو ضحكات كاركاتورية
عجيبة] .

بنضحك على إيه ؟!

بنعيش فى الخوف ..

خايفين من إيه ؟! [يذهب ناحية الباب وضع أذنه
على الباب]

فيه حد بيتجسس علينا ..

فيه حد حاطط ودنه على خرم الباب ..

فيه حد حاطط ودنه على قلوبنا ..

بيسمع دبة الثملة جوا قلوبنا ..

[بصوت كله أسى] مفضوحين مفضوحين .

أمى كانت دايماً دايماً دعيالنا بالستر .. فين الستر ..

احنا مفضوحين .. دى مش حياة [يصرخ] دى

فضيحة .. أودى وشى قين ؟

نفسى فى لحظة حلوة أعيشها فى السر من ورا كل

الدنيا .. بعيد عن نور النهار ..

لحظة واحدة أعيشها من غير بطاقة شخصية .. من

غير اسم .. من غير عنوان .. من غير نمرة فى

الدليل .. من غير دوسيه .. لحظة أحب فيها وأكره

من غير عنيين واسعين يفضحونى .

لحظة أتكلم فيها من غير واحد تانى على الخط

بيسمعنى .

لحظة واحدة أعيشها من غير خوف .. الخوف

فطليح .. فطليح .

ساعات الانتظار طويلة .

..

انتظار النهاية ..

أنا تعبت من الانتظار ..

عايز أعرف إيه النهاية ..

إيه نهاية ده كله ..

مش قادر أتعذب أكثر من كده .. مش قادر أنتظر

[تجحف عيناؤه ويهمس بصوت مبجوح] : حستعجل

النهاية .. مش حانتظر ولا لحظة بعد كده .

[يفتح أحد أدراج المكتب فى عجلة وارتابك وهو

يتلفت حوله ويخرج مسدساً ملفوفاً فى قطعة

قمماش يقلب المسدس] أخيراً [يقلب أمام عينيه

فى فرح حيوانى .. يفتح المسدس .. ويخرج

الرصاصات ويتأكد منها ثم يعيدها إلى مكانها..

يداه ترتجفان عيناؤه جاحظتان .. يضع المسدس

على صدغه]

طلقة واحدة وأخرج منها خروجاً أبدياً [تتسع

عيناه من الذعر] لكن حاضرج أروح فين [يعيد

المسدس إلى مكانه بالدرج وهو مازال يرتجف

ويهمس [حاضرج أروح .. أروح فين .. مين رجع

بعد الموت يقول لنا راح فين ؟

مفيش فائدة .. مفيش حل .. لازم حاقعد هنا للآخر..

لآخر الجلسة .. لآخر المحكمة .. آخر ورقة فى ملف

التحقيق [يلقي برأسه على المكتب فى استسلام

واسترخاء ويغمض عينيه] .

يخفت الضوء على المسرح رويداً رويداً .. ونسمع

صوتاً يهتف (محكمة) .. وتنتشق أرض الغرفة

لتخرج منها هيئة المحكمة التى رأيناها فى الفصل

الأول بنفس ملابس السجن التى ظهرت بها ..

تظهر كل شخصية منها فى حالة من الضوء التام [

: [ينادى] : رضى سعودى [لا أحد يجيب ..

يعود إلى المناداة بصوت عصبى حاد يصك

الأسماع] : المتهم رضى سعودى ..

: [يرفع رأسه ويجيب فى تبجح وعصبية]

مش موجود .. [يصرخ فى تحد] مش موجود

[كل أعضاء المحكمة يشيرون بأصابعهم إليه ..

يتقدم الحاجب ويمسك به من كتفه ويسحبه

إلى قفص الاتهام حيث يلقي به] .

: [فى زى ممثل الاتهام .. يتركز عليها النور

ويخفت على الوجود الأخرى] : المتهم ينكر

نفسه .. المتهم وصل به الإجماع إنه ينكر وجوده .

[يهبط واقفاً فى تحد] : أنا حر فى إنكار ما لا

يعجبني .. [يضحك المستشارون .. ويتمايل كل

واحد على الآخر وهو يضحك وتنتقل ضحكاتهم

..

..

..

..

حتى تشمل هيئة المحكمة كلهم [حتى تشمل هيئة المحكمة كلهم]
القاضي الشرقاوى : حر .. ؟ [يضحك] حر إزاي بقى .. أمال القفص ده إيه ؟

رحمى : أنا أنكر شرعية المحاكمة دى كلها .

الشرقاوى : تنكرها بصفتك إيه ؟

رحمى : بصفتى رجل قانون .

[يعود المستشارون إلى الضحك]

القاضي الشرقاوى : [فى سخرية] : رجل قانون [يضحك] أنت

مجرم يابنى .. أنت معتقل .. أنت مطلوب إعدامك .

رحمى : [فى حدة] أنا متنازل عن الحياة اللي عايزين

تعدموها .. مش عايزها خدوها .. أنا شايف أنها ما

تساويش حتى أجرة الدفاع عنها .. ما فيش لازمة

تتعبدوا نفسكو فى محاكمة وشهود ومحاضر

وجلسات .. أنا متنازل .. ومستعد لرد كل المكاسب

اللى كسبتها فى الحياة التافهة دى .. بما فى ذلك

العدالة المقدسة اللى بتمثلوها .. [يصرخ] ظ

فيكم كلكم ، ووظ فى الدنيا بتاعتكم .

[تنفجر المحكمة فى ضحك مجلجل متصل] .

رحمى : [يصرخ] : أنا حاموت فى الوقت اللى أنا عايزه .

[الشرقاوى يضحك والمستشارون يضحكون]

رحمى : [يصرخ] : أنا حاموت فى الوقت اللى أنا عايزه .

[يحاول أن يخنق نفسه فى القفص .. يهجم عليه الحاجب] .

[تملئ على كاتب الجلسة بصوت جوهرى]

جريمة شروع فى قتل .. اكتب عندك فى المضبلة ..

التهمة شرع فى قتل نفسه .. وبذلك تصبح عدد

جرائمه ١٧ جريمة قتل .

[يصرخ باكيا] : أنا حر فى نفسى .. أنا حر فى

حياتى .. أنا مش عايز أعيش .. أنتو مالكو .. ده

حقى .

: الحياة من شأن الله وحده هو الذى يعطيها وهو

الذى يأخذها .

: [يسقط على ركبتيه] : يارب ارحمنى .

اليوم يسقط المجرم على ركبتيه طالباً من الله

الرحمة .. وبالأمر كان يمشى معتداً جبّاراً ؟

يرحم .

هو أنتو حاتحاسبونى عايزين منى إيه ؟

: عايزين نعلمك العدالة ؟

: أنا استقلت خلاص .. سبت كرسى العدالة ..

نقضت أيديا من العدالة .

وأفعالك ؟ [يكشف عن ذراعيه اللتين مازالتا

مقيديتين بالسلاسل ويلوح بهما فى وجه

حمى

الشرقاوى

رحمى

كوش

رحمى

الشرقاوى

رحمى

الشرقاوى

رحمى [نفضت إيدك من أفعالك .. وهل فى إمكانك
الاستقالة من أفعالك .. والانفصال عن ماضيك .

والدم اللى سفكته ؟

رحمى

[يصيح] الماضى انتهى خلاص .. أنا استقلت ..
أنا على المعاش .. محدش له عندى حاجة أنا
حالبتى من جديد .. حافتح صفحة جديدة من
حياتى .

الشرقاوى

الماضى ما انتهاش .. الماضى عايش معاك ..
الماضى هنا منتظر خارج الحكمة .. تحب نستدى
لك الماضى [يخبط بالشاكوش الخشبى على
المنصة ويصيح] الحاجب ينادى على الماضى .

[صدى الصوت يدوى فى أرجاء المحكمة :
الحاجب ينادى على الماضى]

الحاجب

[ينادى من ورقة فى يده] المجنى عليه وديع
بشأى .. المجنى عليه جرجس بشأى .. المجنى عليه
راغب بشأى [تنشق الأرض ويخرج منها
المجنى عليهم بملابس السجن والقيود فى
أيديهم .. وحول كل منهم هالة الضوء ..
الحاجب يستقر فى استدعاء الأسماء بصوت
أكثر شدة] سليم أبو الغيط .. سالم أبو الغيط ..
محمد أبو الغيط .. رضوان أبو الغيط [يخرجون

من الأرض فى لحظة مناداة أسمائهم] عم
بيومى .. أنيسة العالة .. شفيقة البنهاوية .. أم
لواحظ .

[المسرح الآن ممتلئ بالوجود والأشخاص
وكلهم بملابس السجن والقيود فى أيديهم ..
يشاورون على رحمى ويلغولون]

[يدق بشاكوش على المنصة] : سكوت من
الشرقاوى فضلكم .. إيه رأيك فاكرا الوجود دى ؟

رحمى

[مبهورًا] جم منين دول .. دنا حكمت عليهم
بالإعدام .. شنقتهم كلهم .. إيه اللى جابهم ؟
[يصرخ] إيه اللى جابهم ؟

الشرقاوى

تقدر تنفض إيدك منهم . [المجنى عليهم يلوحون
فى وجهه رحمى ويتزايد لغظهم وضجيجهم
يرتفع على صوت المحكمة ويصك الأذان]

رحمى

[يصرخ] سكوت [يسد أذنيه] سكوت
[يرتفع صوت الضجة .. يختلط بقهقهات
السخرية .. وإشارات الاستهزاء]

الشرقاوى

[يدق بشاكوشه فتسكت الأصوات] خلاص
مبقاش لك حكم عليهم دلوقتى .. ماتقدرش
تسكتهم دول فى عالم تانى غير خاضع لك .. هما
دلوقت اللى يسكتوك .

رحمى : [ينقل بصره بينهم فى رعب] : دول شياطين ..

أشباح .. أرواح شريرة .. أنا حاصدر حكم
بإعدامهم تانى ..

[كورس من الأصوات يردد فى سخرية : تانى ؟]

رحمى [يصرخ] دى مبهزلة .. محكمة مشكلة من

مجرمين قتلة سفاحين لصوص .. عصاة تتآمر
للعبت برجل شريف .

[صغير استهزاء .. ضحك .. كلهم يرددون فى

كورس] : شريف جداً .. يقتل بستين جنية فى
الشهر .. الراس تقف باتنين جنية .. بريال فى

الجملة .. يا بلاش يا شرف .

رحمى : أنا أطلب القبض على هذه المحكمة المزيفة .. فين

البوليس ؟

الشرقاوى : مفيش بوليس هنا .. البوليس ده كان عندك فى

العالم بتاعك .. العالم اللي تخليت عنه وتخلي
عنك .. أنت دلوقتى لوحداك .. مفيش حد معاك .

رحمى ربنا معايا ..

كورس : عشا الغلابة عليك يارب .

الشرقاوى : ولا ربنا ..

رحمى : [يبيكى] : ربنا معايا .. أنا إنسان مظلوم .

كورس : الراجل بيعيط زى ولایا السيدة .. حاشيل مخلّة

ويسرح على باب الله .

الشرقاوى : ومن امتى كنت بتأخذ بالعدل الإلهى .. أنت شنقت

دول بعدلك والا بالعدل الإلهى .. لما كانوا بيقولوا

يارب .. كنت بتعمل فيهم إيه ؟

رحمى : دول سفاحين .. مجرمين .. قتلة .. مايعرفوش

ربنا .

كورس : عرفت منين ؟! دخلت ضميرهم ؟

رحمى : أنا كان قدامى أوراق .. دوسيه لكل واحد .

الشرقاوى : أوراق .. أوراق .. ده كل اللي تعرفه عنهم .. كل

روح عندك عبارة عن ورقة .. إمضاء .. بلاغ .. هى

دى العدالة .. واللى ماعندوش أوراق .. واللى

مايعرفش يكتب .. واللى مالوش محامى .. واللى

مالوش شهود .. تعمل فيه إيه ؟! عم بيومى اللي

مالاقاش شاهد يشهد له .. عملت فيه إيه ؟

رحمى : [يصرخ من بين المجنى عليهم صرخة مدوية] :

إعدام يا بيه إعدام .. شنقنى من غير رحمة ولا

رافة .

رحمى : [يصرخ] : وعاوزنى أراف بقاتل سفاح يحرق

ابنه بالجاز ويولع فيه .

رحمى : [يصيح] : برىء .. وعهد الله برىء .. ده ابنى

هو اللي حرق نفسه .

رحمى : كذاب .. ده قاتل أثيرم .. الأدلة تدمغه .. وابنه اتهمه
 قبل ما يموت .
 الشرقاوى : تنادى على ابنه اللي مات ونسأله .
 الحاجب : [ينادى] أحمد بيومى .. أحمد بيومى .
 الشرقاوى : [تنشق الأرض ويخرج ولد سنه ١٢ سنة]
 أحمد : تعال يا بنى .. احك لى .. إيه اللي حصل ؟
 أنا اللي حرقنت نفسى .. وقلت إن أبويا هو اللي
 حرقنى .. عشان كان بيضربنى .. كان دايمًا
 بيضربنى [ييكى] .
 الشرقاوى : [إلى رحمى] : هيه .. إيه رأيك ؟
 رحمى : [فى صوت باك] الولد هو اللي غير أقواله
 دلوقتي وأنا ذنبى إيه .. وأنا أعمل إيه ؟
 كورس : يا سلام على العدالة يا سلام [يقلدونه] أنا
 أعمل إيه .. أنا ذنبى إيه ؟
 الشرقاوى : وأنيسة العالة ؟
 رحمى : أنيسة العالة قتلت جوزها وهو نايم باعترافها فى
 التحقيق .. قالت بلسانها إنها خنقته .. فيه إيه بعد
 كده ؟
 أنيسة : [تولول بصوت مسرّع] : والنبي يا سعادة
 البيه كنت ليلتها نايمة وملطوشة بالأفيون ما كنت
 عارفة بأعمل إيه .. واتهيا لى إن الرجل سابنى

رحمى : واتجوز على .. واتلبشت ما بقيت دارية بنفسى .
 الشرقاوى : وما قلتش الكلام ده ليه فى التحقيق ؟
 الحاجب : خفت قالولى الأفيون حاويديكى فى داهية ..
 الشرقاوى : حاتخدنى فيه ٢٥ سنة سجن .. ولما فقت لنفسى
 ماقلتش للدنيا طعم من بعد المرحوم [تيكى] كان
 عندى أموت مشنوقة ولا أطلع براءة وأعيش
 بحرقة .. كنت بحبه .
 الشرقاوى : واحدة مغفلة .. حاعمل لها إيه ؟! أنا ذنبى إيه ؟
 رحمى : [يقلدوه] : أنا حاعمل إيه ، أنا ذنبى إيه ؟
 الشرقاوى : وعيلة أبو الغيط اللي شنقتهم بالجملة ؟
 رحمى : دول كمان حد يدافع عنهم .. أربع وحوش اتكاثروا
 على واحد وقطعوه عشرين حبة وحطوه فى شوال
 ورموه فى الساقية .. عاوزنا نعمل لهم إيه ..
 نديهم نيشان ؟
 الشرقاوى : [سالم ومحمود ورضوان أبو الغيط يتحدثون
 فى وقت واحد]
 رحمى : الحق لله اللي قتل هو سليم أبو الغيط .. ماحد منا
 مد إيده ..
 الشرقاوى : واعترفوا ليه معاه ؟
 رحمى : إلا مالکش حق فيه دى يا سعادة البيه .. كله إلا
 كده دا احنا عيلة واحدة .. والتار تارنا والعار

بالجوع .. بالجوع يا بيه يا متعلم ' .. رس
 : دا سلاح غير وارد فى المادة ٢٣٤ عقوبات . حمى
 : ده سلاح بيقتل مجتمعات بحالها يا حضرة الشرقاوى
 : القاضى العظيم ..
 : وأنا عايز وقائع .. حثيثات شهود .. اعترافات .. حمى
 : أحرار .. مش كلمة .. عايمة .. زى الجوع .
 : الشهود كانوا قدامك .. فى كل مكان .. فى الشرقاوى
 : الحواري والغيطان عيونهم بتقولك كل حاجة .
 : الشهود فى الحكمة قالوا لى إن ميشيل مارديكيان رحمى
 : راجل شريف .
 : كدابين محترفين .. اشتراهم بالفلوس . الشرقاوى
 : وأنا ذنبى إيه .. وأنا حاسم إيه إذا كان كل واحد رحمى
 : بيكذب .. وكل واحد بيبغير أقواله ؟
 : كل واحد فى الدنيا بيبغير أقواله .. وكل واحد الشرقاوى
 : بيكذب .. وأنت بتكذب .
 : يبقى مفيش فايدة .. يبقى ازاي حانوصل للعدالة ؟ رحمى
 : يبقى إيه لازمة الغرور .. ليه دور القتل فى الشرقاوى
 : الناس ؟
 : لازم يكون فيه نظام . رحمى
 : اللى عملته هو الفوضى .. منتهى الفوضى . الشرقاوى
 : جايز أكون أعدمت عشرة خطأ .. لكن النظام رحمى

عارنا .. ومين حليشيل الدم إلا أصحابه ؟! وهيه عيبة هانتبرى منها .. دا شرف كل واحد يتمنى عيلة أبو الغيط
 : عدم المؤاخذه يا بيه .. أصل سلو بلدنا كده .. رحمى
 : أما مجانين صحيح .
 : هيه .. إيه رأيك ؟ الشرقاوى
 : وأنا أعمل إيه .. أعمل إيه .. إذا كان كل واحد رحمى
 : بيبخبي الحقيقة .
 : طيب وقصيتي أنا فضل الشرقاوى . الشرقاوى
 : ودى فيها إيه كمان قاتل ومعترف ومتلبس .. قتل رحمى
 : مع سبق الإصرار والترصد .. عايز تاخذ إيه ..
 : جائزة نوبل ؟
 : أيوه لكن قتلت مين ؟ الشرقاوى
 : ميشيل مارديكيان صاحب شونة التسليف .. رحمى
 : الراجل اللى سلفك .
 : بالرأيا الفاحش . الشرقاوى
 : مفيش إثبات .. رحمى
 : واخذ أرمى .. الشرقاوى
 : لسداد الدين المذكور أعلاه . رحمى
 : وقتل أولادى السبعة . الشرقاوى
 : بإيه ؟ بالتزوير المغناطيسى ؟ رحمى

استتب نتيجة خوف .

الشرقاوى : الذى استتب هو الإجرام .. القتل الذى أصبحت له
شركات زى حلبات صراع الثيران .. الحروب
العالمية التى ببتقتل فيها الملايين تحت ستار
الوطنية والشرف والعدالة .

رحمى : وأنا مالى .. وأنا الذى باعمل الحروب كمان .

الشرقاوى : الذى يشعلها واحد ذيك .. إنسان متبجح صفيق ..
بيقول .. عدالة .. حق .. شرف .. نظام [وفى
خشونة] مجرم أثيم لا يكتفى بالإثم .. وإنما
يتباهى به .. الخطايا تغتفر لكن ما لا يغتفر .. هو
وقار الخطايا وعزة الآثام .. هالة الجلال التى
ماشى بيها فوق راسك هيه دى الكدبة الكبرى التى
لا تغتفر .

رحمى : انتو ناس مجانيين .. عايزين مجتمع من غير
قضاة .. من غير نظام .. من غير عدل .

الشرقاوى : إحنا عاوزين نظام تكون فيه الرحمة فوق العدل .

رحمى : طيب ما ترحمونى أنتو [ييكى] ما ترحمونى ..
رحمتكم اتسعت لكل المجرمين [يشاور إلى
المجنى عليهم] القنلة دول وضافت بإنسان
شريف مظلوم زوى ..

الشرقاوى : مظلوم إزاي بقى ؟! الأستاذ رحمى المستشار

الخطير مائة فدان فى المنوفية ووظيفة درجة أولى
بالسلك القضائى .. دكتوراه من فرنسا .. وكلمة
مسموعة وهالة من التقديس والاحترام . ومظلوم
ده أنا عيان .. أنا مريض بالسكر .. والروماتزم ..
وتصلب الشرايين .. والزلال .. والنقرس والكبد .

رحمى

الشرقاوى : [فى أسف ساخر] : مسكين .. مسكين .. غلبان .

الشرقاوى : [فى أسف ساخر] : لا .. لا بأس عليك .. ولية
تهمل نفسك كده ؟! ليه ماتروحش لدكتور ؟

رحمى

الشرقاوى : مفيش دكتور عارف يعالجنى .. كل دكتور يكشف
علىّ يقول لى أنت مهموم بتتخيل أمراض مش
موجودة .

[المحكمة مازالت تطلق بالسنتها فى أسف]

الشرقاوى : حرام .. ولية تتخيل كتير كده ؟

كورس : أنت لازم واسع الخيال قوى .

رحمى : أنا إنسان مظلوم .

الشرقاوى : أنت مؤلف مظالم .. مخترع شكواى .

رحمى

الشرقاوى : أعمل إيه .. أروح لين ؟

الشرقاوى : روح للمجلس الأعلى للاختراع .. سجل اختراعاتك

دى هناك .. حرام تضعيع المواهب الخطيرة دى من

غير ما تستغلها .

رحمى : أنت بتتريق ؟

الشرقاوى : أنا بنصحك لمصلحتك .

رحمى : مصلحتى ؟!! فيه حد فى الدنيا بيفكر فى مصلحتى ؟

الشرقاوى : [يشاور على المجنى عليهم وعلى نفسه] : كلنا اتشققنا من أجل مصلحتك .. عشان ما يتقال عنك

القاضى النزيه الحازم .. مش مكفيك احنا كلنا ؟

رحمى : أنا كنت بأخدم العدالة .

الشرقاوى : أنت كنت بتخدم نفسك .

رحمى : أنا مظلوم .. ماחדش فاهمنى .. الكل خذلونى ..

حتى أصدقائى خذلونى .. حتى أهلى خذلونى .

الشرقاوى : أنت أول واحد خذلت نفسك .. الأمراض اللى

بتقرى جسمك هيه العقاب اللى أنزلته بنفسك ..

أنت حكمت على نفسك بالأحكام اللى حكمت بيها

علينا .. الموت .. الموت ببطء ..

رحمى : [يصرخ] : لا .. لا ..

الشرقاوى : الموت ببطء فى الوهم والوسواس والخوف .

رحمى : الرحمة .. الرحمة ..

الشرقاوى : اطلب الرحمة من نفسك .. أنت الجانى .. وأنت

المجنى عليه .

رحمى : مش معقول .. [يتحسس نفسه]

الشرقاوى : أنت ألد أعداء نفسك .

رحمى : مش معقول .. ده كابوس .. أنا عايش فى كابوس ..

أنتو أشباح .. أرواح شريرة كلكم أبالسّة شياطين ..

أرواح نجسة .. أرواح مجرمين محكوم عليهم

بالإعدام وبالخلود فى جهنم إلى الأبد .

كورس : [ساخرًا] : وأنت معانا فى الخلود بتاعنا .

رحمى : [يصرخ] : أنا مش معاكو .

الشرقاوى : حاتروح فىن منّا .. أنت استقلت خلاص ملكش

غيرنا .. المحكّمة اتقفلت فى وشك .. وبيتك اتخرب

حاتروح لمن ؟

رحمى : [يتلفت حوله] : حاروح لأمى .

الموجودون : [يرددون فى صوت كئيب] : إنا لله وإنا إليه

راجعون .

الشرقاوى : [فى حزن] : أمك توفيت إلى رحمة الله .. البقية

فى حياتك .

رحمى : [يعوى من البكاء وينهار فى القفص] :

أمى .. [ينادى بصوت معول] : أمى .. أمى ..

[سكوت تام لا أحد يرد]

الشرقاوى : الله يرحمها .

رحمى : أمى [يبكى] : لاقيكى فىن يا أمى ؟

الشرقاوى : مش حاتلاقيها خلاص .. راحت العالم الثانى

رحمى

[يتجول ناظرًا حوله] : كوثر .. يتلفت حوله
باحثًا [كوثر .. سبتينى ليه يا كوثر .. خنتينى ليه
يا كوثر .. حاموت من غير ما أشوفك .. حاموت
من غير ما أقول لك .. أحبك .. طول عمرى كان
نفسى أقول لك باحبك .

الشرقاوى

: وما قلتش ليه ؟

رحمى

[يهز رأسه فى حيرة] .

الشرقاوى

: [سائلًا] : كبير ؟

اصوات متعددة :

مهم ؟؟ عظيم ؟؟ وقور ؟؟ عاقل ؟؟ أكبر من الحب ؟؟

رحمى

: لا أبداً .. أصغر من الحب ..

الشرقاوى

: أصغر بكثير .. يدوبك على قد الكراهية .

رحمى

: [يتلفت باحثًا مستنجدًا] : كوثر .. كوثر .

[تظهر كوثر فى دائرة من الضوء]

كوثر

: أنت قتلت كوثر .

رحمى

: قتلت نفسى .

كوثر

: أنا واحدة من ضحاياك محكوم عليها بالإعدام من
غير بنود ومن غير مواد فى دستور العقوبات
قتلتنى بالإهمال بالشك بالغيرة .. خنقتنى بحبل
العقل والوقار والمنطق .

رحمى

: أنا « قاضى » .. أنا المنطق .. لو تحيزت بعواطفى
للإنسان حابقى أسوأ « قاضى » فى الوجود ..

كوثر

رحمى

كوثر

الشرقاوى

رحمى

الشرقاوى

رحمى

حابقى الإنسان الضعيف .

: الإنسان الضعيف هو الإنسان الحقيقى .. هو
إنسان الحب .

كوثر ..

: أنا مش كوثر .. كوثر انتهت .. أنت قتلتها بإيديك
من زمان .

وهذه هى الجريمة ١٨ فى ملف المتهم ١٨ ..
جريمة قتل .. إيه رأيك ؟

: أنا مش فاهم حاجة .

رحمى

: أفكر دى قضية واضحة لا تحتاج إلى فهم .. بص
حوالك تلاقى كل ضحاياك .. كل جريمة من
جرايمك بتتكلم .. كل فعل من أفعالك يسعى على
قدميه .

: [فى ضعف واستسلام] : كفاية .. اللي عايزين
تعملوه اعملوه .. عاقبونى وخلصونى .. ما عايش

لى حاجة أبكى عليها .. كل اللي كنت باجرى وراه
كان كذب فى كذب .. كل الناس كذابين .. ما حدش
فاهم حاجة .. الدنيا اللي عشتها بتفكرنى
بالروايات البايخة اللي كنا بنروحها زمان واحنا
عيال .. ونطلع نسقف ونقول .. سيما أوانطه هاتوا
فلوسنا .. أنا كما عاوز أرجع التذاكر وأخذ

فلوسى .. خلاص .. هاتوا فلوسى .. عاوز أطلع .

الشرقاوى : [يضحك] تطلع فين ؟

رحمى : عاوز أطلع بره .

الشرقاوى : [يضحك] بره فين ؟! مفيش بره .

رحمى : بره الأكاذيب دى ..

الشرقاوى : بره الأكاذيب دى فيه أكاذيب ثانية .. كل العالم

اللى أنت فيه أكاذيب .. تطلع من كذبة تلاقى كذبة

[يضحك] أنت عارف أنت فين .. أنت فى جهنم ..

دى [يشير إلى ما حوله] اسمها جهنم .. واحنا

زبانية جهنم .. حانعيش طول عمرنا كده مع بعض

نطلعك من كذبة ندخلك فى كذبة .. نعذب فيك ..

وتعذب فينا إلى ما لا نهاية .. إلى الأبد .

رحمى : [فى رعب] مش معقول .. مش معقول .

الشرقاوى : أبداً .. هى دى الحقيقة ..

رحمى : طيب وفين النار ؟

الشرقاوى : النار فى قلوبنا [يشاور على قلبه] .. جوه ..

رحمى : أعوذ بالله .

الشرقاوى : وأنت مقضى عليك بالحياة زى طور الساقية اللى

متغمية عنيه .

رحمى : وفين المذنبين التانيين ؟! هو مفيش حد مذنب فى

الدنيا غيرى ؟! فين توفيق ؟ فين مراتى اللى

خانتنى ؟ فين الناس اللى كذبوا على ؟ فين الناس

اللى غرروا بى ؟

الشرقاوى : ده سجن انفرادى .

رحمى : ومفيش محاكمة .. مفيش حساب .

الشرقاوى : طول الوقت محاكمة .. حياتك كلها محاكمة ..

جلسة معقودة طوالى .. استجواب لا نهائى ..

طول عمرنا حانقعد نحاكم فيك .. احنا ورانا إيه !!

رحمى : محاكمة من غير حكم .. مفيش نهاية .. مفيش

حكم .. ؟

الشرقاوى : جايز يكون فيه حكم .. وجايز مايكونش فيه حكم

.. ماحدش يعرف ..

رحمى : مفيش أمل ؟!

الشرقاوى : الأمل دى كلمة شاعرية .. مالهاش معنى فى

قواميس الواقع اللى عندنا ..

رحمى : [يصرخ] : واتظلم لين ؟! فهمونى ؟

الشرقاوى : اتظلم لنا برضه .. مفيش هيئة غيرنا .

رحمى : وفيه نتيجة للظلم ؟

الشرقاوى : جايز يكون فيه نتيجة .. وجايز مايكونش فيه

نتيجة .. ماحدش يعرف ؟!

رحمى : [يصرخ] : مش معقول .. انتو عايزين تجنوني ..

[يبكي] .

[هيئة المحكمة تطلق بالسنتها في أسف]

الشرقاوى : لا .. لا .. عيب الكلام ده .. أنت راجل كبير ..
مستشار عظيم قد الدنيا .. قانونى عبرى .. لا ..
لا ..

[المحكمة تطلق بالسنتها في أسف .. وتردد

في وقت واحد] وده برضه كلام .. واحد زيك
يعيط !؟ خلّيت إيه للعيال .. كويس كده الناس اللي
شنقتهم بيتفرجوا عليك يقولوا عليك إيه ؟ .

[صوت مدوّ يُسمَع من خارج المسرح]

البوسطجى : تقرير الطبيب الشرعى وصل .

[رحمى ينتفض واقفاً في قفصه ويضىء وجهه

بالأمل .. ويبعدو عليه التوتور والخوف ..

والفضول .. واللهفة .. وهيئة المحكمة تعتدل في

أماكنها .. وتمتد أيديها نحو التقرير المجهول ..

يدخل رجل في زى « بوسطجى » يحمل رسالة ..

يتقدم بها إلى الشرقاوى .. الرسالة عبارة عن

لغافة طويلة من جلد الغزال تشبه الرسائل التي

كان يتبادلها السلاطين والخلفاء في غابر

الآزمان .. الشرقاوى يفرض اللغافة .. اللغافة طويلة

جداً تتدلى على الأرض .. يمد الجميع أبصارهم

ليقرأوها .. كل واحد يمك بمطلع منها .. كلهم

يقرأون في صوت واحد .. بصوت فيه رهبة]

- اتضح بالكشف الدقيق على المتهم سعودى
أنه مجنون جنوناً مطبقاً .. وغير مسئول عن
أفعاله .

[تبدو الحيرة وعدم التصديق على الوجوه ..

يعودون إلى القراءة من جديد بتغمة أخرى]

- اتضح من الكشف الدقيق على المتهم رحمى

سعودى .. أنه مجنون جنوناً مطبقاً .. وغير

مسئول عن أفعاله .

الشرقاوى : [يهز رأسه في إشفاق] : مسكين !

[صدى صوت كلمته يتردد على الشفاه .. وفي

ميكروفونات مركبة في أماكن مختلفة]

- مسكين .. مسكين !

[يلف اللغافة من جديد ببطء ويربطها بالرباط

الحرير .. همهمة ولغط في المحكمة يرتفع

رويداً رويداً حتى يصيح ضجة .. وجه رحمى

أصفر شاحب ، ولكنه يبتسم ابتسامة مرتجفة]

الشرقاوى : بناء على تقرير الطبيب الشرعى وحيث إنه ثبت

جنون المتهم المطبق وعدم مسؤوليته عن أفعاله ..

تحكم بما هو آت .. براءة المتهم من الجرائم

المنسوبة إليه .. والإفراج عنه وإطلاق سراحه فوراً .

[لغط وهمهمة حتى تصبح ضجة .. إشارات

استنكار .. وصيحات احتجاج .. المجنى عليهم

يدقون الأرض بأرجلهم]

الشرقاوى : [يدق بشاكوشه] : وعلى حارس المحكمة أن

يسلمه إلى أهله .

الحارس : [يفتح القفص ويسحب رحى من يده إلى

الخارج] : المتهم ملوش أهل يا أفندم .

الشرقاوى : إذن يسلم إلى ضميره .

[موسيقى تأثرية عنيفة تعزف فيها كل الآلات

في وقت واحد .. أصوات كالصاعقة .. ثم تختفي

المحكمة دفعة واحدة ، ويختفي الموجودون

جميعهم وتبتلعهم الأرض .. لا أحد يبقى سوى

رحى .. واقفا وحده فى غرفة المكتب الواسعة

التي يعمل بها فى نور الأبالجورة المظلل الخافت

.. مازال صدى الصوت يتردد فى ميكروفونات

متعددة وبغمات مختلفة]

صدى صوت خافت : يسلم إلى ضميره .

رحى : مستحيل .. مستحيل .. أنا تعذبت كفاية .

الصوت : [فى همس] : يسلم إلى ضميره .

رحى : مستحيل .

الصوت : [فى همس خفيض] : يسلم إلى ضميره .

رحى

: مش ممكن أسلم نفسى لحد .

[يتلفت حوله .. يتجول باحثاً عن مخرج]

وحاروح فىن ؟

[يتلفت فى جزع باحثاً فى ركن]

حا أهرب إزاي ؟

الصوت : يسلم إلى ضميره .

[رحى ذراعاه مفتوحتان فى حيرة لا حد لها ..

يتحسس الجدران بيديه باحثاً عن منفذ .. يحرك

أكرة الباب ولكن الباب لا يفتح وكل الأبواب لا

تنتفتح .. وتتسع عيناه من الذعر .. يخبط بيديه

على كل مكان فى الجدار .. يخبط على الأبواب

.. (الهمس يرتفع فيصبح خشناً) .

يسلم إلى ضميره .. يسلم إلى ضميره ..

رحى : [يدق بجماع قبضته على الجدران] : الباب ..

الباب .. فىين الباب ؟

الصوت : يسلم إلى ضميره .

[صدى غليظ فظيع يرج المسرح .. رحى يتهاوى

باسطاً ذراعيه فى استسلام .. تنتفتح نافذة فى

الغرفة .. يبدو منها وجه الأم غارقاً فى

الضوء .. وجهها شاب .. لقد عادت إلى شبابها]

: [فى حنان] مالك يا بنى ؟

الأم

رحمى : أنت فين يا أمى ؟! قالو لى إنك مت يا أمى .

الأم : مفيش حد بيموت يا بنى .

رحمى : لكن أنت رجعتى شابة يا أمى .

الأم : القلوب الطيبة ما تعرفش الشيخوخة .. الشيخوخة

فى الدنيا بس .. لكن هنا مفيش شيخوخة .

رحمى : لكن أنت معنا فى الدنيا .. أنت بتتكلّمى من الدنيا

يا أمى ؟

الأم : أنا مش فى الدنيا .. أنا انتقلت .

رحمى : يبقى هم ما كدبوش على .. تبقى أنت ميتة ..

الأم : الموت ملوش وجود .. احنا بنغير العنوان .. كل

اللى بيحصل إن احنا بنغير العنوان .

رحمى : لكن الدنيا اللى أنت فيها جميلة يا أمى .. كلها نور

نفسى آجى عندك .

الأم : تعال يا بنى ..

رحمى : آجى إزاي والأبواب كلها مقفولة على .. أنا

مسجون .

الأم : أنت اللى قفلت على نفسك .. أنت اللى سجنحت

نفسك ربنا بيساع فى رحمته كل الناس .. لكن أنت

اللى حرمت نفسك من رحمة الله .. قفلت عقلك مش

عايز تصدق .. قفلت قلبك مش عايز تحب .. خنقت

عواطفك مش عايز ترحم .. مش عايز تأمن بأى

رحمى

الأم

رحمى

الأم

رحمى

الأم

رحمى

حاجة .. أنت اللى بنيت حواليك الجدران دى كلها .

: [يخبط فى الجدران] : مش معقول يا أمى ..

انت بتضحكى عليه .. أنت فكرانى لسه طفل صغير

.. أنت ميتة يا أمى .. وبضحكى على .

: مفيش موت يا بنى .

: حا أزورك فى القرافة .. كل الميتين هناك .

: مش حاتلاقينى .. حاتلاقينى مجرد جسم .. مجرد

تراب .. ورقة غياب .

: [يصرخ] : يعنى إيه ؟! يعنى احنا مش حانموت

أبدًا .. يعنى مفيش نهاية ؟

: [فى هدوء] : مفيش نهاية ..

: [يستدير فى ياس يواجه الصالة ويصيح

بصوت جهورى] : سامعين .. يعنى .. مفيش

نهاية [ينهار تمامًا] .



قطاع الثقافة
والكتب والمكتبات

